

摘藻堂四庫全書薈要

史部

欽定四庫全書薈要卷七千八十一

史部

資治通鑑卷九十五

宋 司馬光 撰

胡三省 音註

晉紀十七

起玄默執徐盡彊
閏作噩凡六年

顯宗成皇帝中之上

咸和七年春正月辛未大赦 趙主勒大饗羣臣

異曰考

晉春秋云陶侃遣使聘後趙趙王勒饗之按侃與勒必
無通使之理今不取載記云勒因饗高句麗宇文屋孤

使今但云
饗羣臣

謂徐光曰朕可方自古何等主

方比

對曰陛

下神武謀略過於漢高後世無可比者勒笑曰人豈不

自知卿言太過朕若遇漢高祖當北面事之與韓彭比

肩

戴溪曰勒豈真知高帝者特自視不如韓彭故耳

若遇光武當並驅中原未

知鹿死誰手大丈夫行事宜礪礪落落如日月皎然

礪落

猥翻終不效曹孟德司馬仲達欺人孤兒寡婦狐媚以取

天下也

狐妖獸也能蠱媚人石勒以此論曹馬使死者有知孟德仲達其抱愧於地下矣

羣臣

皆頓首稱萬歲勒雖不學好使諸生讀書而聽之

好呼到翻

時以其意論古今得失聞者莫不悅服嘗使人讀漢書

聞酈食其勸立六國後

事見十卷漢高帝三年

驚曰此法當失何

以遂得天下及聞留侯諫乃曰賴有此耳 郭敬之退

戊樊城也

事見上卷五年

晉人復取襄陽夏四月敬復攻拔之

敬復扶又翻

留戍而歸 趙右僕射程遐言於趙主勒曰中

山王勇悍權略羣臣莫及觀其志自陛下之外視之蔑

如蔑無也言視如之若無也

加以殘賊安忍

孟子曰賊仁者謂之賊賊義者謂之殘左傳衆

仲曰安久為將帥威振內外其諸子年長皆典兵權

虎子

遂宣勒皆使之典兵將即亮翻帥所類翻長知兩翻

陛下在自當無它恐非少主

之臣也

少詩
照翻

宜早除之以便大計勒曰今天下未安大

雅冲幼宜得彊輔中山王骨肉至親有佐命之功方當

委以伊霍之任何至如卿所言卿正恐不得擅帝舅之

權耳吾亦當叅卿顧命勿過憂也遐泣曰臣所慮者公

家陛下乃以私計拒之忠言何自而入乎中山王雖為

皇太后所養非陛下天屬

戴記曰虎勒之從子也祖曰
習邪父曰寇覓勒父朱幼而

子虎故或
稱勒弟焉

雖有微功陛下酬其父子恩榮亦足矣而其

志願無極

謂虎有窺
天位之志

豈將來有益者乎若不除之臣

見宗廟不血食矣勒不聽遐退告徐光光曰中山王常

切齒於吾二人恐非但危國亦將為家禍也它日光承

間言於勒曰

問古
覓翻

今國家無事而陛下神色若有不怡

何也

怡悅也

勒曰吳蜀未平吾恐後世不以吾為受命之

王也光曰魏承漢運劉備雖興於蜀漢豈得為不亡乎

以喻
晉也

孫權在吳猶今之李氏也陛下包括二都平蕩八

州

二都長安洛陽八州冀
幽并青兗豫司雍也

帝王之統不在陛下當復在

誰

復扶又
翻下同

且陛下不憂腹心之疾而更憂四支乎中山

王藉陛下威略所向輒克而天下皆言其英武亞於陛下且其資性不仁見利忘義父子並據權位執傾王室而耿耿常有不滿之心近於東宮侍宴有輕皇太子之色臣恐陛下萬年之後不可復制也

復扶又翻

勒默然始命

太子省可尚書奏事

省悉景翻

且以中常侍嚴震參綜可否

惟征伐斷斬大事乃呈之

斷丁亂翻

于是嚴震之權過於主

相

相息亮翻

中山王虎之門可設崔羅矣

漢書曰翟公為廷尉賓客填門及廢

門外可設崔羅師古注云言其寂靜無人行也

虎愈怏怏不悅

為後虎殺徐光程遐張本怏於

兩翻

秋趙郭敬南掠江西

江西謂鄴城以東至歷陽也

太尉侃遣其

子平西參軍斌

斌音彬

及南中郎將桓宣乘虛攻樊城悉

俘其眾敬旋救樊宣與戰于涅水破之

水經注涅水出涅陽縣西北岐

棘山東南逕涅陽縣又東南逕安衆縣又東南至新野縣東入于清涅奴結翻

皆得其所掠侃

兄子臻及竟陵太守李陽攻新野拔之敬懼遁去宣遂

拔襄陽侃使宣鎮襄陽宣招懷初附簡刑罰略威儀勸

課農桑或載耜耒於軺軒

耜立耨所用農器也耒盧對翻手耕曲木也孔穎達曰耒

以曲木為之長六尺六寸底長尺有一寸中央直者三尺有三寸句者二尺有二寸底謂耒下向前曲接耜者

頭而著耜耜金錢為之鄭玄曰耜耒之金也廣五寸田器鎡鋸之屬軺音遙使者小車駕馬者也軒曲輶也

闌板曰軒親帥民芸穫帥讀曰率在襄陽十餘年趙人再攻之宣

以寡弱拒守趙人不能勝時人以為亞於祖逖周訪史終

言宣守襄

成大將軍壽寇寧州以其征東將軍費黑

陽之功

為前鋒出廣漢鎮南將軍任回出越雋以分寧州之兵

費扶沸翻任音壬雋音髓

冬十月壽黑至朱提朱提太守董炳城

守朱提音銖時

寧州刺史尹奉遣建寧太守霍彪引兵助之

壽欲逆拒彪黑曰城中食少少詩治翻宜縱彪入城共消其

穀何為拒之壽從之城久不下壽欲急攻之黑曰南中

險阻難服當以日月制之待其智勇俱困然後取之溷

牢之物何足汲汲也

溷與園同胡困翻園廁也豕所居也牢亦犬豕所居也言城已受圍

如犬豕在園牢中不患其逸出也鄭氏曰牢開也必有開者防禽獸觸齧疏曰養馬者謂之開養牛羊者謂之牢言開見其開衛言牢見其牢固所從言之異其實一物也

壽不從攻果不利乃悉

以軍事任黑 十一月壬子朔進太尉侃為大將軍劔

履上殿入朝不趨贊拜不名

上時掌翻朝直遙翻

侃固辭不受

十二月庚戌帝遷于新宮

五年作新宮至是而成乃遷居之

是歲涼

州僚屬勸張駿稱涼王領秦涼二州牧置公卿百官如

魏武晉文故事

魏武事見六十七卷漢獻帝建安二十一年晉文事見七十九卷魏元帝咸熙

年駿曰此非人臣所宜言也敢言此者罪不赦然境內

皆稱之為王駿立次子重華為世子

重直龍翻

八年春正月成大將軍李壽拔朱提董炳霍彪皆降

降戶

江翻下同壽威震南中

丙子趙主勒遣使來修好

使疏吏翻好呼

到詔焚其幣

晉雖未能復君父之讐而焚幣一事猶足舒忠臣義士之氣

三月寧

州刺史尹奉降于成成盡有南中之地大赦以大將軍

壽領寧州 夏五月甲寅遼東武宣公慕容廆卒六月

世子皝以平北將軍行平州刺史督攝部內

皝字元真廆第三子

廆戶罪翻皝呼廣翻

赦繫囚以長史裴開為軍諮祭酒郎中令高

詡為玄菟太守皝以帶方太守王誕為左長史誕以遼

東太守陽鶩為才而讓之皝從之以誕為右長史

國之興也

其臣推賢讓能國之哀也其臣矜已忌前鶩音務

趙主勒寢疾中山王虎入

侍禁中矯詔羣臣親戚皆不得入疾之增損外無知者

又矯詔召秦王宏彭城王湛還襄國

勒以宏都督中外諸軍事蓋使之鎮

鄴蓋勒疾小瘳見宏驚曰吾使王處藩鎮處昌呂翻正備

在河南

今日有召王者耶將自來耶有召者當按誅之虎懼曰

秦王思慕暫還耳今遣之仍留不遣數日復問之復扶又翻

虎曰受詔即遣今已半道矣廣阿有蝗廣阿縣前漢屬鉅鹿郡後漢晉

省後魏復置廣阿縣屬南趙郡隋改為大陸縣唐武德間改為象城縣天寶初改為昭慶縣屬趙州虎密

使其子冀州刺史邃帥騎三千遊於蝗所恐勒死有變使邃遊于蝗

所若捕蝗者以為外應帥讀曰率騎奇寄翻秋七月勒疾篤遺命曰大雅兄

弟宜善相保司馬氏汝曹之前車也前車之覆後車之戒戒其兄弟自相

殘也

中山王宜深思周霍勿為將來口實

謂當如周公霍光之輔幼孤也

勒謂此言可以繫虎之手足邪此數語亦徐光程遐為之耳

戊辰勒卒

年六十

中山王

虎劫太子弘使臨軒收右光祿大夫程遐中書令徐光

下廷尉

下遐稼翻

召邃使將兵入宿衛

將即亮翻

文武皆奔散弘

大懼自陳劣弱讓位于虎虎曰君終太子立禮之常也

弘涕泣固讓虎怒曰若不堪重任天下自有大義何足

豫論弘乃即位

弘字大雅勒第二子

大赦殺程遐徐光

光遐固知禍之及已

然亦不料如是之速

夜以勒喪潛瘞山谷莫知其處已卯備儀衛

虛葬于高平陵

勤卒十一日而葬未有如是之速者也虎既潛葬勒其所以為身後之計者亦

不過如此卒為女子所告果何益哉瘞於計翻

謚曰明帝廟號高祖趙將石聰

及譙郡太守彭彪各遣使來降

聰時鎮譙城守式又翻降戶江翻

聰本

晉人冒姓石氏朝廷遣督護喬球將兵救之未至聰等

為虎所誅慕容皝遣長史勃海王濟等來告喪

皝呼廣翻

八月趙主弘以中山王虎為丞相魏王大單于加九

錫

單音蟬

以魏郡等十三郡為國總攝百揆虎赦其境內

立妻鄭氏為魏王后子邃為魏太子加使持節侍中都

督中外諸軍事大將軍錄尚書事次子宣為使持節車

騎大將軍冀州刺史封河間王

使疏吏翻

韜為前鋒將軍司

隸校尉封樂安王遵齊王鑒封代王邕封樂平王徙平

原王斌為章武王

斌音彬

勒文武舊臣皆補散任虎之府

寮親屬悉署臺省要職

虎居鄴子邃都督中外諸軍宣據信都府寮親屬分領臺省弘

處尊位特寄坐

耳散悉宣翻

以鎮軍將軍夔安領左僕射尚書郭殷

為右僕射更命太子宫曰崇訓宮

更工衡翻

太后劉氏以下

皆徙居之選勅宮人及車馬服玩之美者皆入丞相府

宇文乞得歸為其東部大人逸豆歸所逐走死于外

慕容皝引兵討之軍于廣安

廣安在棘城之北

逸豆歸懼而請

和遂築榆陰安晉二城而還

榆陰城蓋在大榆河之陰安晉城在威德城東南

成建寧牂柯二郡來降李壽復擊取之

牂柯音臧哥降戶江翻復

扶又翻下同

趙劉太后謂彭城王堪曰先帝甫晏駕丞相

遽相陵藉如此

陵駕也轢也藉蹈也藉慈夜翻

帝祚之亡殆不復久王

將若之何堪曰先帝舊臣皆被疎斥軍旅不復由人

謂虎

諸子皆握兵權也

被皮義翻 官省之內無可為者

謂宿衛及臺省要職皆虎之府寮親

屬無與共
謀匡正者

臣請奔兗州挾南陽王恢為盟主

恢勒少子也時鎮廩

丘據廩丘宣太后詔於牧守征鎮使各舉兵以誅暴逆

庶幾猶有濟也

幾居希翻

劉氏曰事急矣當速為之九月堪

微服輕騎襲兗州不克南奔譙城

騎奇寄翻

丞相虎遣其將

郭太追之獲堪于城父

父音甫

送襄國炙而殺之徵南陽

王恢還襄國劉氏謀泄虎廢而殺之尊弘母程氏為皇

太后堪本田氏子數有功

數所角翻

趙主勒養以為子劉氏

有膽略勒每與之參決軍事佐勒建功業有吕后之風

而不妬忌更過之

呂后能誅韓信彭越劉氏不能制虎殆不及也

趙河東王生

鎮關中石朗鎮洛陽

劉盾之西奔也石生自洛陽鎮長安朗代生鎮洛陽

冬十月

生朗皆舉兵以討丞相虎生自稱秦州刺史遣使來降

降戶江翻

氏帥蒲洪自稱雍州刺史西附張駿

咸和四年洪降于虎今以

趙亂而叛帥所類翻

虎留太子邃守襄國將步騎七萬攻朗于金

墉金墉潰獲朗則而斬之

將即亮翻騎奇寄翻則音月

進向長安以

梁王挺為前鋒大都督

挺虎之子也

生遣將軍郭權帥鮮卑

涉瑣眾二萬為前鋒以拒之

帥讀曰率瑣公回翻

生將大軍繼發

軍于蒲阪權與挺戰于潼關大破之挺及丞相左長史

劉隗皆死

此劉隗意即自晉奔趙者

虎還奔澠池

澠彌

枕尸三百餘

里

枕職任翻

鮮卑潛與虎通謀反擊生生不知挺已死懼單

騎奔長安權收餘眾還屯渭汭

孔安國曰水北曰汭杜預曰水之隈曲曰汭音

如銳翻

生遂奔長安匿於鷄頭山

張守節曰括地志云鷄頭山在成州上祿縣東

北二十里在長安西南九百六十里鄠道元云蓋大隴山異名也後漢書隗囂使王孟塞鷄頭道即此也按原州平高縣西百里亦有筭頭山在長安西北八百里將軍蔣英據長安拒守虎進

兵擊英斬之生麾下斬生以降權奔隴右虎分命諸將

屯汧隴

汧苦堅翻

遣將軍麻秋討蒲洪

風俗通麻齊大夫麻嬰之後

洪帥

戶二萬降于虎

帥讀曰率降戶江翻

虎迎拜洪光烈將軍

前此未有光烈

將軍號

石

護氏校尉

漢有護羌校尉虎以此官授洪使之監護羣氏

洪至長安

說虎徙關中豪桀及氐羌以實東方

說翰為翻

曰諸氏皆洪

家部曲洪帥以從誰敢違者虎從之徙秦雍民及氐羌

十餘萬戶于關東

雍於用翻

以洪為龍驤將軍流民都督使

居枋頭

為符洪子健自枋頭入關中張本驤思將翻枋音方

以羌帥姚弋仲為奮

武將軍西羌大都督使帥其眾數萬徙居清河之溝頭

羌帥所類翻溝目涉翻水經注清河過廣川縣東水側有羌壘姚氏之故居也為姚弋仲父子自溝頭起兵張

本

虎還襄國大赦趙主弘命虎建魏臺一如魏武王輔

漢故事

慕容皝初嗣位用法嚴峻國人多不自安主

簿皇甫真切諫不聽皝庶兄建武將軍翰母弟征虜將軍仁有勇畧屢立戰功得士心季弟昭有才藝皆有寵於皝皝忌之翰歎曰吾受事於先公不敢不盡力幸賴先公之靈所向有功此乃天贊吾國非人力也而人謂吾之所辦以為雄才難制吾豈可坐而待禍邪乃與其

子出奔段氏段遼素聞其才冀收其用甚愛重之仁自

平郭來奔喪

漢志平郭縣屬遼東郡晉省晉東夷校尉治襄平崔曄之敗慕容廆以仁鎮遼東治

平郭謂昭曰吾等素驕多無禮於嗣君嗣君剛嚴無罪猶

可畏況有罪乎昭曰吾輩皆體正嫡於國有分

昭自謂與仁皆

正室之子分可以得國也分扶問翻

兄素得士心我在內未為所疑伺其

間隙除之不難兄趣舉兵以來

伺相吏翻間古覓翻趣讀曰促

我為內

應事成之日與我遼東男子舉事不克則死不能效建

威偷生異域也仁曰善遂還平郭閏月仁舉兵而西或

以仁昭之謀告毚毚未之信遣使按驗仁兵已至黃水

黃水即潢水在棘城東北距唐營州四百里據載記黃水當在漢遼東郡險瀆縣

知事露殺使

者還據平郭毚賜昭死遣軍祭酒封奕慰撫遼東以高
詡為廣武將軍將兵五千與庶弟建武將軍幼稚廣威
將軍軍寧遠將軍汗司馬遼東佟壽共討仁與仁戰於

汶城北

佟徒冬翻姓也汶漢古縣屬遼東郡前書作文

毚兵大敗幼稚軍皆為

仁所獲壽嘗為仁司馬遂降於仁

降戶江翻下同

前大農孫機

等舉遼東城以應仁

孫機蓋王官之避地遼東者遼東城即襄平城

封奕不得

入與汗俱還東夷校尉封抽護軍平原乙逸

乙姓也逸名也姓譜

商湯字天乙支孫以為氏

遼東相太原韓矯皆弃城走於是仁盡有

遼東之地段遼及鮮卑諸部皆與仁遙相應援旆追思

皇甫真之言以真為平州別駕

旆領平州刺史以真為別駕

十二

月郭權據上邽遣使來降京兆新平扶風馮翊北地皆

應之 初張駿欲假道於成以通表建康成主雄不許

駿乃遣治中從事張淳稱藩於成以假道雄偽許之將

使盜覆諸東峽

三峽在成都之東故云東峽

蜀人橋贊密以告淳淳

謂雄曰寡君使小臣行無迹之地

蜀不許涼人假道則蜀地前此無涼人之

迹萬里通誠於建康者以陛下嘉尚忠義能成人之美

故也若欲殺臣者當斬之都市宣示衆目曰涼州不忘

舊德通使琅邪

江左自琅邪中興故以稱之使疏吏翻

主聖臣明發覺殺

之如此則義聲遠播天下畏威今使盜殺之江中威刑

不顯何足以示天下乎雄大驚曰安有此邪司隸校尉

景騫

蜀置司隸校尉於成都

言於雄曰張淳壯士請畱之雄曰壯

士安肯畱且試以卿意觀之騫謂淳曰卿體豐大天熱

可且遣下吏小住須涼

須待也

淳曰寡君以皇輿播越梓

宮未返

謂懷愍蒙塵卒之見害梓宮未返也

生民塗炭莫之振救

振舉也

故

遣淳通誠上都

上都謂建康也

所論事重非下吏所能傳使下

吏可了則淳亦不來矣雖火山湯海猶將赴之豈寒暑

之足憚哉雄謂淳曰貴主英名蓋世土險兵彊何不亦

稱帝自娛一方淳曰寡君祖考以來世篤忠貞以讐耻

未雪枕戈待旦

枕職任翻

何自娛之有雄甚慙曰我之祖考

本亦晉臣遭天下大亂與六郡之民避難此州

事見八十二卷

惠帝元康八年難乃旦翻

為衆所推遂有今日琅邪若能中興大晉

於中國者亦當帥衆輔之

帥讀曰率

厚為淳禮而遣之淳卒

致命於建康

卒子恤翻致命致其君命也

長安之失守也

事見八十九卷愍帝

建興四年敦煌計吏耿訪自漢中入江東

耿訪敦煌所遣上計吏留長安未還

而長安陷且河隴路絕因南入漢中自漢東下至建康敦徒門翻

屢上書請遣大使慰

撫涼州

使疏吏翻下同

朝廷以訪守持書御史拜張駿鎮西大

將軍選隴西賈陵等十二人配之

配侑也

訪至梁州道不

通以詔書付賈陵詐為賈客以達之

賈音古

是歲陵始至

涼州駿遣部曲督王豐等報謝

九年春正月趙改元延熙 詔以郭權為鎮西將軍

州刺史

雅於用翻

仇池王楊難敵卒子毅立自稱龍驤將

軍左賢王下辨公以叔父堅頭之子盤為冠軍將軍右

賢王河池公

驤思將翻 辨步覓翻 冠古玩翻

遣使來稱藩 二月丁卯

詔遣耿訪王豐齋印綬授張駿大將軍都督陝西雍秦

涼州諸軍事

陝式冉翻

自是每歲使者不絕

仇池稱藩梁涼之路通也

慕容仁以司馬翟楷領東夷校尉前平州別駕龐鑒領

遼東相

龐皮江翻

段遼遣兵襲徒河不克復遣其弟蘭與

慕容翰共攻柳城

柳城縣漢屬遼西郡晉唐為營州治所復扶又翻

柳城都尉

石琮城大慕輿泥并力拒守

城大猶城主也一城之長故曰城大泥與泥同

蘭

等不克而還遼怒切責蘭等必令拔之休息二旬復益

兵來攻

復扶又翻

士皆重袍蒙楯

重直龍翻楯食尹翻

作飛梯

飛梯即雲梯

四面俱進晝夜不息琮泥拒守彌固殺傷千餘人卒不

能拔

卒子恤翻

慕容皝遣慕容汗及司馬封奕等共救之皝

戒汗曰賊氣銳勿與爭鋒汗性驍果以千餘騎為前鋒

驍堅亮翻
騎奇寄翻

直進封奕止之汗不從與蘭遇于牛尾谷

牛尾

谷在柳
城北

汗兵大敗死者大半奕整陳力戰

陳讀
曰陣

故得不

沒蘭欲乘勝窮追慕容翰恐遂滅其國止之曰夫為將

當務慎重審已量敵

量音
良

非萬全不可動今雖挫其偏

師未能屈其大勢孰多權詐好為潛伏

好呼
到翻

若悉國中

之衆自將以拒我

將即
亮翻

我縣軍深入

縣讀
曰懸

衆寡不敵此

危道也且受命之日止求此捷若違命貪進萬一取敗

功名俱喪

喪息
浪翻

何以返面蘭曰此已成禽無有餘理

謂

事理策之孰必成禽無復遺餘也

卿正慮遂滅卿國耳今千年在東若

進而得志吾將迎之以為國嗣終不負卿使宗廟不祀

也千年者慕容仁小字也翰曰吾投身相依無復還理

復扶又翻

國之存亡於我何有但欲為大國之計且相為惜

功名耳

偽為于翻

乃命所部欲獨還蘭不得已而從之

史言翰雖

身在外乃

三月成主雄分寧州置交州

成分寧州之興古永昌牂

心宗國

柯越為交州

以霍彪為寧州刺史爨深為交州刺史

趙丞相虎遣其將郭敖及章武王斌帥步騎四萬西擊

郭權軍于華陰夏四月上邽豪族殺權以降

斌音彬帥讀曰率騎

奇寄翻華戶化

虎徙秦州三萬餘戶于青并二州長安

翻降戶江翻

人陳良夫奔黑羌

羌之別種有青羌黑羌

與北羌王薄句大等侵

擾北地馮翊

句音鉤

章武王斌樂安王韜合擊破之句大

奔馬蘭山郭敦乘勝逐北為羌所敗

敗補邁翻

死者什七八

斌等收軍還三城

魏收地形志後魏太和初分鴈門之廣武朔方之沃野置編城郡治廣武

縣縣有三城徧城

虎遣使誅郭敦秦王宏有怨言

以其父疾而虎矯詔召之

至于失職也

虎幽之

慕容仁自稱平州刺史遼東公長

沙桓公陶侃晚年深以滿盈自懼不預朝權

朝直遙翻

屢欲

告老歸國

欲歸長沙國也

佐吏等苦留之六月侃疾篤上表遜

位遣左長史殷羨奉送所假節麾幢曲蓋

按節麾者臨敵之際三

軍視以為進退者也幢幡幢方言曰幢翳也楚曰翻闢東西皆曰幢文選注幢以羽葆為之釋名曰幢童也其狀童童然幢傳江翻曲蓋者蓋為曲柄世說謝靈運好戴曲柄笠孔隱士曰何不能遺曲蓋之貌晉制諸公任方面者皆給節

侍中貂蟬太尉章

章印章也

荆江雍梁交廣

益寧八州刺史印傳祭戟

自此以上皆朝廷所授故奉送之雅於用翻傳株戀翻祭

音軍資器仗牛馬舟船皆有定簿封印倉庫侃自加管

鑰以後事付右司馬王愆期加督護統領文武

史言陶侃綜理

精密雖病不亂

甲寅輿車出臨津就船將歸長沙顧謂愆期曰

老子婆婆正坐諸君

婆桑何翻婆婆肢體緩縱不收之貌侃言不得早退至于困乏如此

正坐參佐苦留之也

乙卯薨於樊溪

樊溪在武昌西三里北注大江觀陶侃在西藩顛末豈有

非望之圖哉晉史所記決指之事折翼之夢蓋庾亮之黨傳致之耳

侃在軍四十一年

惠帝

太安二年侃擊張昌至是年凡四十一年

明毅善斷

斷丁亂翻

識察纖密人不能

欺自南陵迄于白帝

南陵在宣城郡界梁置南陵郡陳置北江州於其地蓋臨江渚江州

東界盡於南陵今宣州南陵縣非古之南陵成也自南陵迄于白帝總言侃所統大界宋白曰南陵本漢春穀

縣地後併于湖縣尋又屬繁昌梁武帝始置南陵縣
屬南陵郡臨江有城基見存去今縣一百三十里
數

千里中路不拾遺及薨尚書梅陶與親人曹識書曰

親人

其所親者也

陶公機神明鑒似魏武忠順勤勞似孔明陸抗

諸人不能及也謝安每言陶公雖用法而恒得法外意

史言陶侃為名流所推重如此恒戶登翻

安鯤之從子也

謝鯤見九十二卷元帝永昌元年從

才用

成主雄生瘍於頭

瘍余章翻頭瘡曰瘍

身素多金創

矢刃所傷

為金創創初良翻

及病舊痕皆膿潰諸子皆惡而遠之

惡鳥路翻遠于

願獨太子班晝夜侍側不脫衣冠親為吮膿

為于偽翻吮徂來翻

雄召大將軍建寧王壽受遺詔輔政丁卯雄卒

年六十載記

雄卒在去年

太子班即位

班字世文雄兄蕩之子也

以建寧王壽錄尚書

事政事皆委於壽及司徒何點尚書王瓌

瓌古回翻

班居中

行喪禮一無所預

李班豈可不謂之仁孝哉然不能乞周身之防或於李越之手末俗澆漓

固不可拘拘於古禮以蔽奸非至于殞身亂國也

辛未加平西將軍庾亮征

西將軍假節都督江荆豫益梁雍六州諸軍事領江豫

荆三州刺史鎮武昌

陶侃既沒庾亮始專制上流雖於用翻

亮辟殷浩為

記室參軍浩羨之子也與豫章太守褚裒

裒蒲侯翻

丹陽丞

杜乂皆以識度清遠善談老易

老易老子及易也

擅名江東而

浩尤為風流所宗裒之孫

褚裒見七十七卷魏元帝景元元年

離灼翻

錫之子也

杜錫見八十三卷惠帝元康九年

桓彝嘗謂裒曰季野有皮

裏春秋

褚裒字季野

言其外無臧否

否音鄙

而內有褒貶也謝

安曰裒雖不言而四時之氣亦備矣秋八月王濟還

遼東詔遣侍御史王齊祭遼東公廐又遣謁者徐孟策

拜慕容皝鎮軍大將軍平州刺史大單于遼東公持節

承制封拜一如廐故事船下馬石津

自建康出大江至于海轉料角至登

州大洋東北行過大謝島龜鼈島淤島烏胡島三百里北度烏湖海至馬石山東之都里鎮馬石津即此地也

皆為慕容仁所留 九月戊寅衛將軍江陵穆公陸曄

卒 成主雄之子車騎將軍越屯江陽奔喪至成都以

太子班非雄所生意不服與其弟安東將軍期謀作亂

班弟玕勸班遣越還江陽以期為梁州刺史鎮葭萌

葭萌

即晉壽之地玕阮古翻

班以未葬不忍遣推心待之無所疑間

間古

覓遣玕出屯于涪

涪音浮

冬十月癸亥朔越因班夜哭弑

之於殯宮

卒如李驤之言蔽塗曰殯將遷葬以賓遇之也

并殺班兄領軍將軍

都矯太后任氏令罪狀班而廢之

任音壬

初期母冉氏賤

任氏母養之期多才藝有令名及班死衆欲立越越奉

期而立之甲子期即皇帝位

期字世運雄第四子也

謚班曰戾太

子以越為相國封建寧王加大將軍壽大都督徙封漢

王皆錄尚書事以兄霸為中領軍鎮南大將軍弟保為

鎮西大將軍汶山太守

汶讀曰岷

從兄始為征東大將軍代

越鎮江陽

據載記始特之長子於期為伯父於壽為從兄從才用翻

丙寅葬雄於安

都陵謚曰武皇帝廟號太宗始欲與壽共攻期壽不敢

發始怒反譖壽於期請殺之期欲藉壽以討李珣故不許遣壽將兵向涪壽先遣使告珣以去就利害聞其去路珣遂來奔詔以珣為巴郡太守期以壽為梁州刺史

屯涪

為李壽自涪舉兵廢李期張本

趙主弘自齋壘綬詣魏宮

石虎為魏

王其所居稱魏宮壘斯氏翻綬音受

請禪位於丞相虎虎曰帝王大業天

下自當有議何為自論此邪弘流涕還宮謂太后程氏

曰先帝種真無復遺矣

種章勇翻復扶又翻

于是尚書奏魏臺請

依唐虞禪讓故事

此趙朝尚書奏也

虎曰弘愚暗居喪無禮便

當廢之何禪讓也十一月虎遣郭殷入宮廢弘為海陽

王弘安步就車容色自若謂羣臣曰庸昧不堪纂承大

統夫復何言

復扶又翻

羣臣莫不流涕宮人慟哭羣臣詣魏

臺勸進虎曰皇帝者盛德之號非所敢當且可稱居攝

趙天王

考異曰三十國晉春秋虎即位改元永熙陳鴻大統歷云石虎即位改建平五年為延興明

年改建武按三十國晉春秋不記弘改元延熙虎之立實延熙元年也故誤云永熙弘既號延熙虎安肯稱永

熙陳鴻云虎改建平五年為延興即是弘踰年不改元也恐鴻說誤幽弘及太后程氏秦

王宏南陽王恢于崇訓宮尋皆殺之

虎更太子宮曰崇訓宮弘時年二十

一西羌大都督姚弋仲稱疾不賀虎累召之乃至正色

謂虎曰弋仲常謂大王命世英雄奈何把臂受託而返

奪之邪虎曰吾豈樂此哉

樂音洛

顧海陽年少

少詩照翻

恐不

能了家事故代之耳心雖不平然察其誠實亦不之罪

虎以夔安為侍中太尉守尚書令郭殷為司空韓晞為

尚書左僕射魏郡申鍾為侍中郎闔為光祿大夫

闔音亥翻

又音開

王波為中書令文武封拜各有差虎行如信都復

還襄國

載記曰虎以識文天子當從東北來于是備法駕行自信都而還以應之天子當從東北來蓋

謂慕容氏將從遼碣入中國也秦始皇東游以厭天子氣初不能遏止漢高之興

慕容皝討

遼東甲申至襄平遼東人王岌密信請降師進入城翟

楷龐鑒單騎走居就新昌等縣皆降

居就新昌皆屬遼東郡降戶江翻下

同

皝欲悉阬遼東民高詡諫曰遼東之叛實非本圖直

畏仁凶威不得不從今元惡猶存

元惡謂仁也

始克此城遽

加夷滅則未下之城無歸善之路矣皝乃止分徙遼東

大姓於棘城以杜羣為遼東相安輯遺民十二月趙

徐州從事蘭陵朱縱斬刺史郭祥以彭城來降趙將王

朗攻之縱奔淮南 慕容仁遣兵襲新昌督護新興王

寓擊走之遂徙新昌入襄平

遼東治襄平徙新昌吏民入襄平所以杜仁闕閹掩

襲之心寓

王矩鑑

咸康元年春正月庚午朔帝加元服

沈約禮志曰古者無天子冠禮故筮

日筮實冠於阼以著代醺於客位三加彌尊皆士禮耳漢順帝冠無用曹褒新禮褒新禮今不存禮儀志又云乘輿初加緇布進賢次爵弁武弁次通天皆於高廟江左諸帝將冠金吾宿設百僚陪位又豫於殿上鋪大牀御府令奉冕幘簪導衣服以授侍中常侍太尉加幘太保加冕將加冕太尉跪讀祝文曰令月吉日始加元服皇帝穆穆思弘袞職欽若昊天六合是式率遵祖考永無極眉壽無期介茲景福加冕訖侍中繫立統侍中

脫絳紗服加衮服冠事畢太保率羣臣奉觴上壽王以下三稱萬歲乃退鄭樵曰用魏儀一加既加元服拜于

廟太赦改元 成趙皆大赦成改元王恒恒戶登翻趙改元

建武 成主期立皇后閻氏以衛將軍尹奉為右丞相

驃騎將軍尚書令王瓌為司徒驃匹妙翻瓌古回翻趙王虎命

太子邃省可尚書奏事省悉景翻惟祀郊廟選牧守征伐刑

殺乃親之虎好治宮室鸛雀臺崩鸛雀臺在鄴即魏武所起銅雀臺好呼到

翻殺典匠少府任汪典匠少府即漢將作大匠之職也少詩照翻任音壬復使修

之倍於其舊邃保母劉芝封宜城君關預朝權受納賄

賂求仕進者多出其門

朝直遙翻

慕容皝置左右司馬以

司馬韓矯軍祭酒封奕為之

司徒導以羸疾不堪朝

會

羸倫為翻朝直遙翻

三月乙酉帝幸其府與羣臣宴于內室拜

導并拜其妻曹氏侍中孔坦密表切諫以為帝初加元

服動宜顧禮帝從之坦又以帝委政於導從容言曰陛

下春秋已長聖敬日躋

從千容翻長知兩翻日躋猶日進也

宜博納朝臣

詔諏善道

誦導聞而惡之

惡鳥路翻

出坦為廷尉坦不得

意以疾去職丹陽尹桓景為人諂巧導親愛之會熒惑

守南斗經旬

晉天文志南斗六星天廟也丞相太宰之位

導謂領軍將軍陶

回曰斗揚州之分

天文志斗牛女揚州九江入斗一度丹楊入斗十六度分扶問翻

吾

當遜位以厭天譴

厭一葉翻

回曰公以明德作輔而與桓景

造膝

造七到翻

使熒惑何以還舍導深愧之導辟太原王濛

為掾

濛莫紅翻掾于絢翻

王述為中兵屬

晉公府諸曹有參軍有掾有屬

述昶之

曾孫也

王昶仕魏鎮荊州以功名自見昶丑兩翻

濛不修小廉而以清約見

稱與沛國劉惔齊名友善

惔徒甘翻

惔常稱濛性至通而自

然有節濛曰劉君知我勝我自知當時稱風流者以惔

濛為首述性沈靜每坐客辯論蠶起而述處之恬如也

沈持林翻坐徂
臥翻處昌呂翻

年三十尚未知名人謂之癡導以門地

辟之

祖之子湛湛之子承
世有高名述承子也

既見唯問江東米價

述蓋自
東吳至

建康述張目不荅導曰王掾不癡人何言癡也嘗見導每

發言一坐莫不贊美

坐徂
臥翻

述正色曰人非堯舜何得每

事盡善導改容謝之

趙王虎南遊臨江而還

還從宣
翻又如

字有遊騎十餘至歷陽歷陽太守袁耽表上之

上時
掌翻不

言騎多少朝廷震懼司徒導請出討之夏四月加導大

司馬假黃鉞都督征討諸軍事癸丑帝觀兵廣莫門

廣莫

門建康城北門也

分命諸將救歷陽及戍慈湖牛渚蕪湖司空

郗鑒使廣陵相陳光將兵入衛京師俄聞趙騎至少又

已去

少詩
沼翻

戊午解嚴王導解大司馬袁耽坐輕妄免官

趙征虜將軍石遇攻桓宣於襄陽不克 大旱會稽

餘姚米斗五百

會工
外翻

秋七月慕容皝立子雋為世子

九月趙王虎遷都于鄴

趙王勒定都襄國虎遷于鄴

大赦 初趙

主勒以天竺僧佛圖澄豫言成敗數有驗敬事之及虎

即位奉之尤謹衣以綾錦乘以彫輦

彫輦雕鏤以為飾
數所角翻衣於既

翻

朝會之日太子諸公扶翼上殿

朝直遙翻
上時掌翻

主者唱大

和尚

主者謂掌
朝儀者也

衆坐皆起使司空李農旦夕問起居太

子諸公五日一朝

諸公虎諸子也虎稱天王
降諸子封王者爵為公

國人化之

率多事佛澄之所在無敢向其方面涕唾者爭造寺廟

削髮出家虎以其真偽雜糅

糅汝
救翻

或避賦役為姦宄

宄
音

軌乃下詔問中書曰佛國家所奉里閭小人無爵秩者

應事佛不

不讀
曰否

著作郎王度等

晉職官志曰著作郎周
左史之任也漢東京圖

籍在東觀有其名尚未有官魏明帝太和中詔置著作
郎於此始有其官隸中書省及晉受命制曰著作舊屬
中書而祕書既典文籍今改中書省著作為祕書
著作于是改隸祕書省自後別置省而猶隸祕書

議曰

王者祭祀典禮具存佛外國之神非天子諸華所應祠

奉漢氏初傳其道

事見四十五卷漢明帝永平八年

唯聽西域人立寺

都邑以奉之

漢人初謂官府為寺後漢自西域白馬駝經來初止于鴻臚寺遂取寺名創置白馬

寺漢人皆不得出家魏世亦然今宜禁公卿以下毋得

詣寺燒香禮拜其趙人為沙門者皆逐初服

謂使還服華人之服

虎詔曰朕生自邊鄙忝君諸夏

夏戶雅訓

至于饗祀應從本

俗其四方百姓樂事佛者特聽之

樂音洛

趙章武王斌

帥精騎二萬并秦雍二州兵以討薄句大平之

去年斌等為薄

句大所敗斌音彬帥讀曰率騎奇寄翻雅於用翻句音鈞

成太子班之舅羅演與

漢王相天水上官澹

李壽封漢王相息亮翻澹徒覽翻

謀殺成主期立

班子事覺期殺演澹及班母羅氏期自以得志輕諸舊

臣信任尚書令景騫尚書姚華田褒中常侍許涪等

涪音

浮刑賞大政皆決於數人希復開公卿

復扶又翻

褒無他才

嘗勸成主雄立期為太子故有寵由是紀綱隳紊

紊音問

雄業始衰 冬十月乙未朔日有食之 慕容仁遣王

齊等南還

去年齊等為慕容仁所留

齊等自海道趣棘城

趣七喻翻

齊遇

風不至十二月徐孟等至棘城慕容皝始受朝命

朝直遙翻

段氏宇文氏各遣使詣慕容仁館于平郭城外皝帳下

督張英將百餘騎間道潛行掩擊之

間古覓翻

斬宇文氏使

十餘人生擒段氏使以歸

是歲明帝母建安君荀氏

卒荀氏在禁中尊重同於太后詔贈豫章郡君

荀氏元帝宮人

也生明帝自以位卑每懷怨望為帝所譴漸見疎薄及明帝即位封建安君別立第宅太寧元年迎還臺內供

奉隆厚及帝立
尊重同於太后

代王翳槐以賀蘭藹頭不恭

藹頭翳槐舅有

擁護之功事見九十三卷咸和二年至四年遂將召而
紇那立翳槐又賀蘭部也扶親恃功所以不恭

戮之諸部皆叛代王紇那自宇文部入諸部復奉之

紇那

出奔見上卷咸和四年復扶又翻

翳槐奔鄴趙人厚遇之

初張軌及

二子寔茂雖保據河右而軍旅之事無歲無之及張駿

嗣位境內漸平駿勤修庶政總御文武咸得其用民富

兵強遠近稱之以為賢君駿遣將楊宣伐龜茲鄯善於

是西域諸國焉耆于寔之屬皆詣姑臧朝貢

龜茲音邱慈鄯上扇

翻寘徒賢翻又徒見翻

駿於姑臧南作五殿

起一殿東曰宜陽青

殿以春三月居之南曰朱陽赤殿夏三月居之西曰政

刑白殿秋三月居之北曰玄武黑殿冬三月居之章服

器物皆依方色

官屬皆稱臣駿有兼秦雍之志

雍於用翻

遣參軍麴

護上疏以為勒雄既死虎期繼逆兆廢離主

離力智翻

漸冉

經世先老消落後生不識慕戀之心日遠日忘乞敕司

空鑒征西亮等汎舟江沔首尾齊舉

郗鑒時鎮京口庾亮時鎮武昌沔彌

翻究

二年春正月辛巳彗星見于奎婁

西方奎十六星天之武庫也主以兵禁暴

又主溝瀆婁三星為天獄主苑牧犧牲供給郊祀奎婁
胃魯徐州分彗祥歲翻又旋為翻又徐醉翻見賢遍翻

慕容皝將討慕容仁司馬高詡曰仁叛弃君親民神

共怒前此海未嘗凍自仁反以來連年凍者三矣且仁

專備陸道天其或者欲使吾乘海冰以襲之也皝從之

羣僚皆言涉冰危事不若從陸道皝曰吾計已決敢沮

者斬

沮在呂翻

壬午皝帥其弟軍師將軍評等自昌黎東踐

冰而進

皝呼廣翻帥讀曰率下同

凡三百餘里至歷林口

歷林口海浦之口

捨輜重輕兵趣平郭

重直用翻趣七喻翻下同

去城七里候騎以告

仁騎奇仁狼狽出戰張英之俘二使也事見上年仁恨

不窮追及旆至仁以為旆復遣偏師輕出寇抄復扶又

交翻不知旆自來謂左右曰今茲當不使其匹馬得返矣

乙未仁悉衆陳于城之西北慕容軍帥所部降於旆咸和

八年軍為仁所執陳仁衆沮動沮在旆從而縱擊大破

之仁走其帳下皆叛遂擒之旆先為斬其帳下之叛者

為于然後賜仁死丁衡游毅孫機等皆仁所信用也旆

執而斬之王冰自殺慕容幼慕容稚佟壽郭充翟楷龐

鑒皆東走幼中道而還旆兵追及楷鑒斬之壽充奔高

麗

麗力知翻

自餘吏民為仁所誑誤者

誑古賣翻

旆皆赦之封高

詡為汝陽侯

二月尚書僕射王彬卒

辛亥帝臨軒

遣使備六禮逆故當陽侯杜乂女陵陽為皇后

婚有六禮一曰

納采者將為婚必先媒通其言乃後使人納其采擇之
禮用雁為贄取其陰陽往來之義也二曰問名者問名
以卜其吉凶也三曰納吉者卜於廟得吉兆復使往告
婚姻之事也四曰納徵用玄纁不用雁五曰請期由夫
家卜得吉日使人往告之六曰親迎婿往女家御
輪三周御者代之婿自乘其車而先以導婦歸

大赦

羣臣畢賀

夏六月段遼遣中軍將軍李詠襲慕容皝

詠趣武興

武興城在今支東

都尉張萌擊擒之遼別遣段蘭將

步騎數萬屯柳城西回水

回水載記作曲水水經注陽樂水出上谷且居縣東北流

逕女祁縣世謂之橫水又謂之陽曲水又濡河從塞外來西北逕禦裔鎮城又東北逕孤山南又東南水流回曲謂之曲河鎮又據載記曲水當在好城西北將即亮翻騎奇寄翻

宇文逸豆歸攻安晉

以為蘭聲援旆帥步騎五萬向柳城蘭不戰而遁旆引

兵壯趣安晉

咸安八年旆築安晉城趣七喻翻

逸豆歸棄輜重走

重直用翻

旆遣司馬封奕帥輕騎追擊大破之旆謂諸將曰二虜

耻無功必將復至

復扶又翻

宜於柳城左右設伏以待之乃

遣封奕帥騎數千伏於馬兜山三月段遼果將數千騎

來寇抄

抄楚交翻

奕縱擊大破之斬其將榮伯保前廷尉

孔坦卒

坦先以疾解廷尉故曰前

坦疾篤庾氷省之流涕

省悉景翻

坦慨

然曰大丈夫將終不問以濟國安民之術乃為兒女子

相泣耶氷深謝之九月慕容皝遣長史劉斌兼郎中

令遼東陽景送徐孟等還建康

晉制王國乃有郎中令皝未為王而僭置是官

斌音

冬十月廣州刺史鄧岳遣督護王隨等擊夜郎

興古皆克之

懷帝永嘉五年王遜分牂柯朱提建寧立夜郎郡太康地志曰蜀劉氏分建寧牂柯

立興古郡加岳督寧州 成主期以從子尚書僕射武陵公

載有雋才忌之

從才用翻

誣以謀反殺之 十一月詔建威

將軍司馬勲將兵安集漢中成漢王壽擊敗之

敗補邁翻

壽

遂置漢中守宰戍南鄭而還 索頭郁鞠帥衆三萬降

于趙

索頭鮮卑種言索頭以別於黑匿郁鞠以其辯髮故謂之索頭索昔各翻帥讀曰率降戶江翻

趙

拜郁鞠等十三人為親趙王散其部衆於冀青等六州

趙王虎作太武殿於襄國作東西宮於鄴

東宮以居太子邃西

宮虎自

十二月皆成太武殿基高二丈八尺縱六十五

步廣七十五步甃以文石

高居號翻縱子容翻廣古曠翻甃側救翻

下穿伏

室

伏室即窟室也

置衛士五百人以漆灌瓦金璫銀楹

司馬相如羽獵

賦華椽壁璫注云壁璫以玉為椽頭當即所謂璇題者也三輔黃圖注云以壁飾瓦之當也又琅璫鐸也杜甫詩風動金琅璫此金璫蓋以金飾瓦之當也楹柱也璫音當

珠簾玉辟窮極工巧殿

上施白玉牀流蘇帳為金蓮華以冠帳頂

華讀曰花冠古玩翻又

作九殿于顯陽殿後選士民之女以實之服珠玉被綺

縠者萬餘人

被皮義翻

教宮人占星氣馬步射置女太史雜

伎工巧皆與外同

與外同者教宮人使執作如男子也伎渠綺翻

以女騎千人

為鹵簿

車駕法從次第曰鹵簿騎奇寄翻

皆著紫綸巾

著陟畧翻陸德明曰綸繩也蓋

合絲為綸其狀如繩染紫以織巾也今鎮江金壇人能織線番羅亦合絲為線以織之

熟錦袴金

銀鏤帶

鏤郎豆翻

五文織成韉

五文五色成文也廣雅曰天竺國出細織成魏畧曰大秦

國用水羊毛木皮野繭絲作織成皆好此以五采織成為韉也韉許戈翻

執羽儀

羽儀髦

鳴

鼓吹

鼓吹軍樂也吹尺瑞翻

遊宴以自隨於是趙大旱金一斤直

粟二斗百姓嗷然而虎用兵不息百役並興使牙門張

彌徙洛陽鐘虞九龍翁仲銅駝飛廉於鄴

鐘虞九龍翁仲銅駝飛廉

皆魏明帝所鑄虞音巨

載以四輪纏輞車轍廣四尺深二尺

攷之字書

無輞字當作輞音罔車輹也輹車輪所碾跡也廣古曠翻深式禁翻一鐘沒於河募浮沒

三百人浮沒在水中能浮能沒者入河繫以竹絙絙居登翻又居鄧翻大索也用

牛百頭鹿櫨引之乃出鹿櫨形如汲水木立兩柱橫木貫柱令圓滑可轉繫絙於橫木

絞而引之音盧造萬斛之舟以濟之既至鄴虎大悅為之赦

二歲刑為于偽翻賚百官穀帛賜民爵一級又用尚方令解

飛之言解姓也飛名也解戶買翻於鄴南投石於河以作飛橋功費

數千萬億橋竟不成役夫飢甚乃止使令長帥民入山

澤采橡及魚以佐食復為權豪所奪令力定翻長知兩翻帥讀曰率復扶

又民無所得

初日南夷帥范稚有奴曰范文

帥所常類翻

隨商賈往來中國

賈音古

後至林邑教林邑王范逸作城

郭宮室器械逸愛信之

林邑國本漢象林縣馬援鑄銅柱之處也漢末縣功曹子區連

殺令自立為王子孫相承其後無嗣外孫范熊繼立逸熊子也

使為將

將即亮翻

文遂諧逸

諸子或徙或逃是歲逸卒文詐迎逸子於它國置毒於

椰酒而殺之

椰木出交趾高數十丈葉背面相似瓊臺志曰椰子無時而生樹似檳榔葉如鳳尾

實大如瓜剖之其中有酒其皮可為飲器交州記曰椰子生南海狀如海欖子大如碗外有簾皮如大肚子豆蔻之類中有漿似酒飲之得醉爾雅翼椰木似檳榔無枝條高十餘尋葉在其末如束蒲實大如瓠繫在樹頭

實外有皮如胡桃核裏有膚白如雪厚半寸如豬膏味
美如胡桃膚裏有汁升餘清如水美如蜜飲之可以愈
渴核作飲器
文自立為王於是出兵攻大岐界小岐界
擲以嗟翻

式僕徐狼屈都乾魯扶單等國皆滅之有衆四五萬遣

使奉表入貢

使疏吏翻

趙左校令成公段作庭燎於杠末

姓譜衛成公之後為成公氏予按春秋之時魯晉皆
有成公豈獨衛成公之後得專以為氏哉杠古雙翻高

十餘丈上盤置燎

古之人君昧旦視朝故設庭燎鄭氏云在地曰燎執之曰燭又云樹之門

外曰大燭於內曰庭燎皆是照衆為明今成公段懸盤
於杠以置燎創意為之非有古法也燎力照翻徐又力

燒翻高居傲翻

下盤置人趙王虎試而悅之

三年春正月庚辰趙太保夔安等文武五百餘人入上

尊號

上時掌翻

庭燎油灌下盤死者二十餘人

考異曰載記云七人今

從三十國春秋

趙王虎惡之

惡烏路翻

腰斬成公段辛巳虎依殷周

之制稱大趙天王即位於南郊大赦立其后鄭氏為天

王皇后

古者稱王后稱王后稱皇帝后稱皇后未有天王皇后之稱也

太子邃為天王

皇太子

古之王者其嫡長曰世子秦漢稱皇帝立皇太子未有天王皇太子之稱也

諸子為

王者皆降為郡公宗室為王者降為縣侯百官封署各

有差國子祭酒袁瓌

瓌公回翻

太常馮懷以江左寢安請

興學校

校乃教訓

帝從之辛卯立太學徵集生徒而士大夫

習尚老莊儒術終不振環渙之曾孫也

漢末劉備舉袁渙茂才後仕魏

行御史

大夫事

三月慕容皝於乙連城東築好城以逼乙連

乙連城

段國之東境也在曲水之西

留折衝將軍蘭勃守之夏四月段遼

以車數千兩輸乙連粟

兩力讓翻乘也

蘭勃擊而取之六月遼

又遣其從弟楊威將軍屈雲將精騎夜襲皝子遵於興

國城

興國城蓋慕容氏所築從才用翻將即亮翻騎奇寄翻

遵擊破之初壯平陽

裕事段疾陸眷及遼五世

疾陸眷涉復辰末松牙遼凡五世

皆見尊禮

遼數與旼相攻

數所角翻

裕諫曰親仁善鄰國之寶也

左傳陳五

父之言

况慕容氏與我世婚迭為甥舅

庾旼皆娶于段氏蓋前此慕容氏亦

女于段也

旼有才德而我與之構怨戰無虛月百姓彫弊利

不補害臣恐社稷之憂將由此始願兩追前失通好如

初

好呼到翻下好推同

以安國息民遼不從出裕為北平相

相息亮翻

趙太子邃素驍勇

驍堅堯翻

趙王虎愛之常謂羣臣曰司

馬氏父子兄弟自相殘滅故使朕得至此如朕有殺阿

鐵理否

阿鐵邃小字也阿讀從安入聲

既而邃驕淫殘忍好粧飾美姬

斬其首洗血置盤上與賓客傳觀之又烹其肉共食之

好呼到翻

河間公宣樂安公韜皆有寵於虎邃疾之如讎虎

荒耽酒色喜怒無常使邃省可尚書事

省悉景翻

每有所關

白虎恚曰此小事何足白也時或不聞又恚曰何以不

白

恚於避翻恨怒也

誚責答捶

誚才笑翻捶止藥翻

月至再三邃私謂中

庶子李顏等曰官家難稱

稱天子為官家始見於此西漢謂天子為縣官東漢謂天

子為國家故兼而稱之或曰五帝官天下三王家天下故兼稱之難稱尺證翻

吾欲行冒頓之

事

事見十一卷漢高帝六年冒莫北翻

卿從我乎顏等伏不敢對秋七月

遂稱疾不視事潛帥宮臣文武五百餘騎飲於李顏別

舍

帥讀曰率
騎奇寄翻

因謂顏等曰我欲至冀州

冀州治信都

殺河間

公有不從者斬行數里騎皆逃散顏叩頭固諫遂亦昏

醉而歸其母鄭氏聞之私遣中人誚讓遂遂怒殺之

誚才

笑翻佛圖澄謂虎曰陛下不宜數往東宮

數所角翻

虎將視遂

疾思澄言而還既而瞋目大言曰

瞋七人翻

我為天下主父

子不相信乎乃命所親信女尚書往察之遂呼前與語
因抽劍擊之虎怒收李顏等詰問顏具言其狀殺顏等

三十餘人幽邃于東宮既而赦之引見太武東堂

水經注曰

魏武居鄴為北宮宮有文昌殿石氏於故殿處起東西大武二殿見賢遍翻

邃朝而不謝俄

頃即出虎使謂之曰太子應朝中宮豈可遽去

朝直遙翻邃

徑出不顧虎大怒廢邃為庶人其夜殺邃

考異曰燕書文明紀云

咸康四年四月石虎至燕城下會鄴使至太子邃在後恣酒入宮殺害石主大恐狼狽引還又云初帳下吳曹使鄴還說四月浴佛日行像詣宮石太子邃騎出迎像往來馳騁無有儲君體王曰古者觀威儀以定禍福此子虎之副貳而輕佻無禮將不得其死然及石主東歸留邃監國荒敗內亂以致誅戮按十六國晉春秋殺邃皆在咸康三年燕書恐及其妃張氏并男女二十六人誤今從十六國晉春秋

同埋於一棺誅其宮臣支黨二百餘人廢鄭后為東海太妃立其子宣為天王皇太子宣母杜昭儀為天王皇后安定侯子光自稱佛太子云從大秦國來當王小秦國聚眾數千人於杜南山

京兆杜陵縣之南山也

自稱大黃帝

改元龍興石廣討斬之九月鎮軍左長史封奕等

帝拜

旆鎮軍大將軍旆以奕為左長史

勸慕容旆稱燕王旆從之於是備置

羣司以封奕為國相

相息亮翻

韓壽為司馬裴開為奉常陽

騫為司隸王寓為太僕李洪為大理杜羣為納言令宋

該劉睦石琮為常伯皇甫真陽協為冗騎常侍

納言令晉之尚

書令常伯晉之侍中冗騎常侍晉之散騎常侍冗而隴翻騎奇翻

宋晃平熙張泓為將

軍封裕為記室監洪臻之孫

李臻見八十七卷懷帝永嘉三年

晃奭之

子也

宋奭見八十八卷愍帝建興元年

冬十月丁卯斃即燕王位大赦

十一月甲寅追尊武宣公為武宣王

庾謐武宣公

夫人段氏

曰武宣后立夫人段氏為王后世子雋為王太子如魏

武晉文輔政故事

段遼數侵趙邊

數所角翻

燕王旆遣揚

烈將軍宋回稱藩於趙乞師以討遼自請盡帥國中之

衆以會之

帥讀曰率

并以其弟寧遠將軍汗為質

沈約志寧遠將軍晉

江左置蓋始於此時質音致下同

趙王虎大悅厚加慰荅辭其質遣還

密期以明年

為趙燕攻段遼張本

是歲趙將李穆納拓拔翳槐

於大甯其故部落多歸之

元年翳槐奔趙

代王紇那奔燕國人

復奉翳槐城盛樂而居之


復扶又翻樂音洛

仇池氏王楊毅

族兄初襲殺毅并有其衆自立為仇池公稱臣于趙



資治通鑑卷九十五



總校官庶吉士臣侍朝

校對官檢討臣王坦修

謄錄監生臣張泰

欽定四庫全書薈要

史部

資治通鑑卷九十六

七



詳校官編修臣汪鏞

欽定四庫全書薈要卷七千八十二

史部

資治通鑑卷九十六

宋 司馬光 撰

胡三省 音註



晉紀十八

起著雍閏茂盡重光赤奮若凡四年

顯宗成皇帝中之下

咸康四年春正月燕王皝遣都尉趙槃如趙聽師期

呼皝

反趙王虎將擊段遼募驍勇者三萬人

驍堅堯翻

悉拜龍騰

中郎

據載記咸康二年虎改直濫爲龍騰冠以絳幘

會遼遣段屈雲襲趙幽州

幽州刺史李孟退保易京虎乃以挑豹爲橫海將軍

橫海

將軍蓋石氏創置

王華爲渡遼將軍帥舟師十萬出漂榆津

水經

曰清河東北過漂榆邑入于海注云漂榆故城俗謂之角飛城趙記云石勒使王述煮鹽于角飛魏土地記曰勃海郡高城縣東北一百里北盡漂榆支雄爲龍驤大東臨巨海民咸煮鹽爲業帥讀曰率

將軍姚弋仲爲冠軍將軍

驤思將

帥步騎七萬爲前鋒以

伐遼

冠古玩翻帥讀曰率騎奇寄翻

三月趙槃還至棘城燕王皝引

兵攻掠令支以北諸城

令音鈴師古郎定翻支音祁

段遼將追之慕

容翰曰今趙兵在南當并力禦之而更與燕鬪燕王自

將而來

將即亮翻
下悉將同

其士卒精銳若萬一失利將何以禦

南敵乎段蘭怒曰吾前爲卿所誤

事見上卷
咸和八年

以成今日

之患吾不復墮卿計中矣乃悉將見衆追之

復扶又翻
下同見賢

通銳設伏以待之大破蘭兵斬首數千級掠五千戶及

畜產萬計以歸趙王虎進屯金臺

按水經注金臺在涿
郡故安縣有金臺陂

臺在陂北十餘步即燕
昭王築以事郭隗之臺

支雄長驅入薊

薊音

段遼所署

漁陽上谷代郡守相皆降取四十餘城北平相陽裕帥

其民數千家登燕山以自固

五代志北平無終縣有燕
山守手又翻相息亮翻燕

於賢翻諸將恐其爲後患欲攻之虎曰裕儒生矜惜名節

耻於迎降耳

降戶江翻下同

無能爲也遂過之至徐無

徐無縣屬北平

郡其地在唐薊州玉田縣界

段遼以其弟蘭旣敗不敢復戰帥妻子

宗族豪大千餘家

豪大猶言豪帥也是時東北番率謂主帥爲大部帥曰部大城主曰城大

是棄令支奔密雲山

水經注密雲戌在禦夷鎮東南九十里鮑丘水逕其西唐檀州治密

雲縣西南去范陽二百里又據晉紀云遼奔于平崗蓋密雲山在漢平岡縣界宋白曰檀州密雲縣本漢虎奚縣西南至幽州百九十里西至媯州二百五十里東北至長城障塞百一十里東南至薊州百九十里將

行執慕容翰手泣曰不用卿言自取敗亡我固甘心令

卿失所深以爲愧翰北奔宇文氏遼左右長史劉羣盧

諶崔悅等封府庫請降

羣諶悅奔令支見九
十卷元帝大興元年

虎遣將軍

郭太麻秋帥輕騎二萬追遼至密雲山獲其母妻斬首

三千級遼單騎走險

赴險以自
保走音奏

遣其子乞特真奉表及

獻名馬於趙虎受之虎入令支宮

段氏都令支以
其所居爲宮

論功

封賞各有差徙段國民二萬餘戶於司雍兗豫四州

雍於

用士大夫之有才行皆擢叙之

行下
孟翻

陽裕詣軍門降虎

讓之曰卿昔爲奴虜走今爲士人來豈識知天命將逃

匿無地邪對曰臣昔事王公不能匡濟

王公謂王浚也裕奔令支見八

十九卷愍帝建興二年

逃于段氏復不能全今陛下天網高張籠

絡四海幽冀豪傑莫不風從如臣比肩無所獨愧生死之命惟陛下制之虎悅即拜北平太守夏四月癸丑

以慕容皝爲征北大將軍幽州牧領平州刺史成主

期驕虐日甚多所誅殺而籍沒其資財婦女由是大臣

多不自安漢王壽素貴重有威名期及建寧王越等皆

忌之壽懼不免每當入朝常詐爲邊書辭以警急

壽時鎮涪

城朝直
遥翻

初巴西處士龔壯父叔皆爲李特所殺

父及叔父也處

昌呂
翻

壯欲報仇積年不除喪壽數以禮辟之

數所角壯

不應而往見壽壽密問壯以自安之策壯曰巴蜀之民

本皆晉臣節下若能發兵西取成都稱藩於晉誰不爭

爲節下奮臂前驅者

魏晉以來持節假節出當方面者人皆稱之爲節下爲于偽翻

如

此則福流子孫名垂不朽豈徒脫今日之禍而已壽然

之陰與長史畧陽羅恒巴西解思明謀攻成都期頗聞

之數遣許涪至壽所伺其動靜

涪音浮伺相吏翻

又鳩殺壽養

弟安北將軍攸壽乃詐爲妹夫任調書云期當取壽

詐言

期欲取壽以怒其衆任音壬下同

其衆信之遂帥步騎萬餘人自涪襲

成都

帥讀曰率涪音浮

許賞以城中財物以其將李奕爲前鋒

將即亮翻

期不意其至初不設備壽世子勢爲翊軍校尉開

門納之遂克成都屯兵宮門期遣侍中勞壽

勞力到翻

壽奏

建寧王越景騫田褒姚華許涪及征西將軍李遐將軍

李西等懷奸亂政皆收殺之縱兵大掠數日乃定壽矯

以太后任氏令廢期爲邛都縣公幽之別宮

邛都縣屬越騫郡邛

渠容翻

追謚戾太子曰哀皇帝

咸和九年期越弒其主班謚曰戾太子

羅恒

解思明李奕等勸壽稱鎮西將軍益州牧成都王稱藩

于晉

解戶買翻

送叩都公於建康任調及司馬蔡興侍中李

豔等勸壽自稱帝壽命筮之

龜爲卜蓍爲筮

占者曰可數年天

子調喜曰一日尚足況數年乎思明曰數年天子孰與

百世諸侯壽曰朝聞道夕死可矣

引論語孔子之言

遂即皇帝

位壽字武考改國號曰漢大赦改元漢興以安車束帛

驤之子也

徵龔壯爲太師壯誓不仕壽所贈遺一無所受

遺于壽季翻

改立宗廟追尊父驤曰獻皇帝

驤思將翻

母荀氏曰皇太后

荀子感翻姓也

立妃閭氏爲皇后世子勢爲皇太子更以舊廟

爲大成廟

舊廟祀李特李雄者也雄建國號曰成壽改曰漢故以特雄廟曰大成廟

凡諸制

度多所更易

更工衡翻

以董皎爲相國羅恒爲尚書令解思

明爲廣漢太守任調爲鎮北將軍梁州刺史李奕爲西

夷校尉從子權爲寧州刺史

從才用翻

公卿州郡悉用其僚

佐代之成氏舊臣近親及六郡士人皆見踈斥

六郡士人與李

特兄弟同入蜀者

邛都公期歎曰天下主乃爲小縣公不如死

五月縊而卒

載記期死於三年年二十五縊於賜翻又於計翻

壽謚曰幽公葬

以王禮 趙王虎以燕王魫不會趙兵攻段遼而自專

其利

以魫掠段氏人民畜產不待趙師至而北歸也

欲伐之太史令趙攬諫曰

歲星守燕分師必無功

天文志歲星羸縮以其舍命國其所居久其國有德厚五穀豐

昌不可伐也分扶間翻

虎怒鞭之魫聞之嚴兵設備罷六卿納言

常伯冗騎常侍官

去年魫置六卿等官冗而隴翻

趙戎卒數十萬燕人

震恐魫謂內史高詡曰將若之何

內史燕國內史也

對曰趙兵

雖彊然不足憂但堅守以拒之無能爲也虎遣使四出

招誘民夷

誘音酉

燕成周內史崔燾居就令游泓武原令

常霸東夷校尉封抽護軍宋晃等皆應之凡得三十六

城泓邃之兄子也冀陽流寓之士共殺太守宋燭以降

於趙燭晃之從兄也營丘內史鮮于屈亦遣使降趙武

寧令廣平孫興曉諭吏民共收屈數其罪而殺之閉城

拒守

成同冀陽營丘郡皆慕容廆所置見八十九卷愍帝建興二年居就縣漢晉屬遼東郡武原蓋亦慕容氏所置縣也

營丘郡游邃見八十八卷愍帝建興元年朝鮮令昌黎

孫泳帥衆拒趙

帥讀曰平

大姓王請等密謀應趙泳收斬之

同謀數百人惶怖請罪

怖普布翻

泳皆釋之與同拒守樂浪

太守鞠彭以境內皆叛選鄉里壯士二百餘人共還棘

城樂浪非漢古郡地也慕容廆所置見八十八卷愍帝建興元年以五代志攷之樂浪冀陽營丘郡朝鮮武

寧等縣當盡在隋遼西郡柳城縣界鞠彭率鄉人戊子歸燕見九十一卷元帝太興二年樂浪音洛琅

趙兵進逼棘趙燕王皝欲出亡帳下將慕輿根諫曰將即

亮翻趙彊我弱大王一舉足則趙之氣勢遂成使趙人收

畧國民國民謂燕國之民也兵彊穀足不可復敵復扶又翻竊意趙人

正欲大王如此耳奈何入其計中乎今固守堅城其勢

百倍縱其急攻猶足枝持觀形察變間出求利

謂伺間出擊趙

以求利也

如事之不濟不失於走奈何望風委去爲必

間古覓翻

亡之理乎鮫乃止然猶懼形於色玄菟太守河間劉佩

曰今彊寇在外衆心恟懼

菟同都翻守式又翻恟許拱翻

事之安危繫

於一人大王此際無所推委

推吐雷翻言難推此責以委人也

當自彊

以厲將士不宜示弱事急矣臣請出擊之縱無大捷足

以安衆乃將敢死數百騎出衝趙兵所向披靡

披普彼翻開也

分也散也

斬獲而還

還從宣翻又如字

於是士氣自倍鮫問計

於封奕對曰石虎凶虐已甚民神共疾禍敗之至其何

日之有

杜預曰言今至

今空國遠來攻守勢異戎馬雖彊無能

爲患頓兵積日釁隙自生但堅守以俟之耳玠意乃安

或說玠降玠曰孤方取天下何謂降也

說輸芮翻降戶江翻

趙兵

四面蟻附緣城

言肉薄附城而上若羣蟻然

慕輿根等晝夜力戰凡

十餘日趙兵不能克壬辰引退玠遣其子恪帥二千騎

追擊之

帥讀曰率

趙兵大敗斬獲三萬餘級趙諸軍皆弃甲

逃潰惟游擊將軍石閔一軍獨全閔父瞻內黃人

內黃縣屬

魏郡以陳留有本姓冉趙主勒破陳午獲之命虎養以

爲子閔驍勇善戰多策略虎愛之比於諸孫

冉閔始此石勒養石

虎以自滅其種石虎養冉閔併其虎還鄴以劉羣爲中

書令盧諶爲中書侍郎

諶是壬翽

蒲洪以功拜使持節都督

六夷諸軍事冠軍大將軍封西平郡公

使疏吏翽冠古玩翽

石閔

言於虎曰蒲洪雄雋得將士死力諸子皆有非常之才

且握彊兵五萬屯據近畿

近畿謂洪屯枋頭距鄴爲近

宜密除之以

安社稷虎曰吾方倚其父子以取吳蜀奈何殺之待之

愈厚

石虎之不能殺慕容垂姚萇也

燕王皝分兵討諸叛

城皆下之拓境至凡城

水經注自盧龍東越青陁至凡城二百許里自凡城東北出趣

平剛故城可百八十里向黃龍城則五百里

崔燾常霸奔鄴封抽宋晃游泓

奔高句麗皝賞鞠彭慕輿根等而治諸叛者誅滅甚衆

治直之翻

功曹劉翔爲之申理多所全活

爲于偽翻

趙之攻棘城

也燕右司馬李洪之弟普以爲棘城必敗勸洪出避禍

洪曰天道幽遠人事難知且當委任勿輕動取悔普固

請不已洪曰卿意見明審者當自行之吾受慕容氏大

恩義無去就當效死於此耳與普流涕而訣訣別普遂

降趙

降戶江翻

從趙軍南歸死於喪亂

喪息浪翻

洪由是以忠篤

著名趙王虎遣渡遼將軍曹伏將青州之衆戍海島據載

記虎遣伏渡海戍蹋頓城無水而還因戍于海島

運穀三百萬斛以給之又以

船三百艘運穀三十萬斛詣高句麗

句如字又音鉤麗力知翻

使典

農中郎將王典帥衆萬餘屯田海濱又令青州造船千

艘以謀擊燕

石虎忿棘城之敗再謀擊燕而卒不能也艘蘇遭翻

趙太子宣帥

步騎二萬擊朔方鮮卑斛摩頭破之斬首四萬餘級帥讀

曰率騎
奇寄翽

冀州八郡大蝗趙司隸請坐守宰

趙都鄴以冀州爲司

部

趙王虎曰此朕失政所致而欲委咎守宰豈罪已之

意邪司隸不進讜言佐朕不逮而欲妄陷無辜可白衣

領職

黜其品秩同於臣庶而仍領司隸之職讜音黨

虎使襄城公涉歸上庸公

日歸帥衆戍長安

二歸亦石氏之族

二歸告鎮西將軍石廣私

樹恩澤潛謀不軌虎追廣至鄴殺之乙未以司徒導

爲太傅都督中外諸軍事郗鑒爲太尉

郗丑之翽

庾亮爲司

空六月以導爲丞相罷司徒官以并丞相府

東漢司徒即丞相之

職也沈約曰丞奉也相助也時以王導爲丞相罷司徒府并丞相府導薨罷丞相復爲司徒府宋世祖初以南郡王義宣爲丞相導性寬厚委任諸將趙胤賈寧等多而司徒府如故

不奉法大臣患之庾亮與郗鑒牋曰主上自八九歲以及成人入則在宮人之手出則唯武官小人讀書無從

受音句顧問未嘗遇君子秦政欲愚其黔首

秦始皇名政命民曰

黔首焚詩書以愚黔首

天下猶知不可況欲愚其主哉人主春秋

旣盛宜復子明辟不稽首歸政

稽音啓

甫居師傅之尊

甫方

也始多養無賴之士公與下官並荷託付之重

言受遺先帝付

以幼孤而託之也荷下可翻

大奸不掃何以見先帝於地下乎欲共

起兵廢導鑒不聽南蠻校尉陶稱

南蠻校尉武帝初置於襄陽後治江陵

侃之子也以亮謀語導

語牛倨翻

或勸導密爲之備導曰吾

與元規休戚是同悠悠之談宜絕智者之口

言智者之口不宜亦

傳道悠悠之談

則如君言元規若來吾便角巾還第復何懼哉

復扶又翻

又與稱書以爲庾公帝之元舅宜善事之

此導之識量所

以爲弘遠也

征西參軍孫盛密諫亮曰王公常有世外之懷

言導心常欲謝事優游於人世之外

豈肯爲凡人事邪此必佞邪之徒欲

間內外耳亮乃止

庾亮之謀微郝鑒拒之於外孫威諫止於內必再亂天下矣間古覓翻

盛楚之孫也

孫楚晉初名士

是時亮雖居外鎮而遙執朝廷之

權既據上流擁彊兵趨勢者多歸之

趨七喻翻

導內不能平

常遇西風塵起

常當作嘗

舉扇自蔽徐曰元規塵汚人

汚鳥故翻

史言導不平之心不能自禁於言語之間者惟此而已

導以江夏李充爲丞相掾

夏戶雅翻掾俞絹翻

充以時俗崇尚浮虛乃著學箴以爲老子云

絕仁弃義民復孝慈宣仁義之道絕然後孝慈乃生哉

蓋患乎情仁義者寡而利仁義者衆將寄責於聖人而

遣累乎陳迹也

累力瑞翻

凡人見形者衆及道者鮮

鮮息淺翻

逐

迹逾篤離本逾遠

離立智翻

故作學歲以祛其蔽

祛丘於翻攘却也

曰名之攸彰道之攸廢乃損所隆乃崇所替非仁無以

長物

長丁丈翻今知兩翻

非義無以齊耻仁義固不可遠去其害

仁義者而已

遠于願翻去羗呂翻

漢李奕從兄廣漢太守乾告

大臣謀廢立

從才用翻

秋七月漢主壽使其子廣與大臣盟

于前殿徙乾爲漢嘉太守以李閔爲荊州刺史鎮巴郡

閔恭之子也

恭李攀之弟見八十八卷惠帝永寧元年八月蜀中久雨百姓

飢疫壽命羣臣極言得失龔壯上封事稱陛下起兵之

初上指星辰昭告天地歃血盟衆舉國稱藩

謂將稱藩于晉也歃

色洽

天應人悅大功克集而論者未諭權宜稱制

謂壽即皇

帝位也今淫雨百日飢疫並臻天其或者將以監示陛下

故也

監古陷翻

愚謂宜遵前盟推奉建康彼必不愛高爵重

位以報大功雖降階一等

王降皇帝一等

而子孫無窮永保福

祚不亦休哉論者或言二州附晉則榮

二州謂梁益也

六郡人

事之不便替公孫述在蜀羈客用事

荆邯王元田戎劉延岑皆羈客也劉

備在蜀楚士多貴

龐統黃忠董和劉巴馬良兄弟呂乂廖立李嚴楊儀魏延蔣琬費禕董允

等皆楚士也

及吳鄧西伐

吳鄧吳漢鄧艾也

舉國屠滅寧分客主論

者不達安固之基苟惜名位以爲劉氏守令方仕州郡

曾不知彼乃國亡主易豈同今日義舉主榮臣顯哉國舉

奉晉爲義舉晉加以寵秩則主榮臣顯

論者又謂臣當爲法正

法正啓劉備以取成

都壯亦教壽取李期故論者以此之

臣蒙陛下大恩恣臣所安至於榮祿

無問漢晉臣皆不處復何爲效法正乎壽省書內慙

處昌

呂翻復扶又

祕而不宣

九月漢僕射任頽謀反誅頽

任太后之弟也漢主壽因盡誅成主雄諸子

任后雄之正室也壽

以任顏之反必以立諸甥為主故盡誅雄諸子以絕人望任音壬

冬十月光祿勳顏

含以老遜位

引年致事也

論者以王導帝之師傅名位隆重

百僚宜爲降禮

降禮謂拜之爲于偽翻下同

太常馮懷以問含含曰

王公雖貴重理無偏敬

臣子惟拜君父施之於導則爲偏敬偏不正也

降禮之

言或是諸君事宜鄙人老矣不識時務旣而告人曰吾

聞伐國不問仁人

董仲舒曰昔者魯君問柳下惠吾欲伐齊何如柳下惠曰不可歸而有憂

色曰吾聞伐國不問仁人此言何爲至於我哉向馮祖思問佞於我

馮懷字祖思

我

豈有邪德乎郭璞嘗遇含欲爲之筮

因含請老併及辭郭璞事以見其有

識有

含曰年在天位在人修己而天不與者命也守道

而人不知者性也自有性命無勞蓍龜

蓍升脂翻

致仕二十

餘年年九十三而卒代王翳槐之弟什翼捷質於趙

爲質見九十四卷咸和四年捷居言翻質音致

翳槐疾病命諸大人立之翳槐

卒諸大人梁蓋等以新有大故

有大喪謂之大故滕文公曰今也不幸至於大

故什翼捷在遠來未可必比其至恐有變亂謀更立君

比必寐翻更古衛翻

而醫槐次弟屈剛猛多詐不如屈弟孤仁厚

乃相與殺屈而立孤孤不可自詣鄴迎什翼捷請身留

爲質

致質音

趙王虎義而俱遣之十一月什翼捷即代王

位於繁時北

繁時縣屬雁門郡時音止

改元曰建國分國之半以與

孤初代王猗盧旣卒國多內難部落離散

事見八十九卷愍帝建興

四年難

拓跋氏寢衰及什翼捷立雄勇有智略能修祖

業國人附之始置百官分掌衆務以代人燕鳳爲長史

許謙爲郎中令始制反逆殺人姦盜之法號令明白政

事清簡無繫訊連逮之煩百姓安之於是東自濊貊

濊音

獺貍莫
白翻

西及破落那

新唐書西域傳曰寧遠者本拔汗那或曰潑汗元魏時謂之破落那

去長安八千里居西
韃城在真珠河之北

南距陰山北盡沙漠率皆歸服有

衆數十萬人

史言代
復疆

十二月段遼自密雲山遣使求

迎於趙

使疏吏
翻下同

既而中悔復遣使求迎於燕

復扶
又翻

趙王

虎遣征東將軍麻秋帥衆三萬迎之

帥讀曰
率下同

敕秋曰受

降如受敵不可輕也

降戶
江翻

以尚書左丞陽裕遼之故臣

使爲秋司馬燕王皝自帥諸軍迎遼

帥讀
曰率

遼密與燕謀

覆趙軍皝遣慕容恪伏精騎七千於密雲山大敗麻秋

於三藏口

水經注安州東有武列水其水三川派合西源曰西藏水西南流而東藏水注之水出東

溪西南流出谷與中藏水合水導中溪南流出谷南注東藏水東藏水又南右入西藏水故目其川曰三藏川

魏收地形志曰皇興二年置安州統密雲等郡隋廢郡爲密雲縣唐爲檀州治所敗補邁翻

死者什

六七秋步走得免陽裕爲燕所執趙將軍范陽鮮于亮

失馬步緣山不能進因止端坐燕兵環之

環音宦

叱令起

亮曰身是貴人義不爲小人所屈汝曹能殺亟殺不能

則去亮儀觀豐偉

觀古玩翻

聲氣雄厲燕兵憚之不敢殺以

白氍毹以馬迎之與語大悅用爲左常侍

晉制諸王國大國置左右

常侍以崔慙之女妻之妻七細翻 玠盡得段遼之衆待遼以上

賓之禮以陽裕爲郎中令趙王虎聞麻秋敗怒削其官

爵

五年春正月辛丑大赦 三月乙丑廣州刺史鄧岳將

兵擊漢寧州漢建寧太守孟彥執其刺史霍彪以降咸和

八年成取寧州今復之成以霍彪刺
寧州見上卷咸和九年降戶江翻

征西將軍庾亮

欲開復中原表桓宣爲都督沔北前鋒諸軍事司州刺

史鎮襄陽沔彌又表其弟臨川太守惲爲監梁雍二州

諸軍事梁州刺史鎮魏興

自李矩以司州刺史退屯卒于魯陽司州已寄治荊州界

今始以司州治襄陽周訪領梁州治襄陽今司州既治襄陽故梁州治魏興監工銜翻下同

西陽太

守翼爲南蠻校尉領南郡太守鎮江陵皆假節又請解

豫州以授征虜將軍毛寶詔以寶監揚州之江西諸軍

事豫州刺史與西陽太守樊峻帥精兵萬人戍邾城

邾城

在江北漢江夏郡邾縣之故城也楚宣王滅邾徙其君於此因以爲名今黃州城是也杜佑曰黃州東南百二

十里臨江與武昌相對有邾城此言唐黃州治所也西陽縣漢屬江夏郡魏分屬弋陽郡晉惠帝分弋陽爲西

陽國江左廢國爲郡帥讀曰率下同以建威將軍陶稱爲南中郎將江夏

相入沔中稱將二百人下見亮

亮鎮武昌稱自上流下見之相息亮翻將即亮

翻

亮素惡稱輕狡數稱前後罪惡收而斬之

亮素怨陶侃而稱自

間亮於王導蓋以私忿殺之素惡烏路翻數所具翻

後以魏興險遠命庾懌徙屯

半洲

半洲在江州界康帝時褚裒爲江州刺史鎮半洲

更以武昌太守陳騶爲

梁州刺史趣漢中

趣七喻翻

遣參軍李松攻漢巴郡江陽夏

四月執漢荊州刺史李閔巴郡太守黃植送建康

漢置荊州

於巴郡漢主壽以李奕爲鎮東將軍代閔守巴郡庾亮上

疏言蜀甚弱而胡尚彊欲帥大衆十萬移鎮石城遣諸

軍羅布江沔爲伐趙之規帝下其議

下遐
稼翻

丞相導請許

之太尉鑒議以爲資用未備不可大舉太常蔡謨議以

爲時有否泰

否皮
郇翻

道有屈伸苟不計彊弱而輕動則亡

不終日何功之有爲今之計莫若養威以俟時時之可

否繫胡之彊弱胡之彊弱繫石虎之能否自石勒舉事

虎常爲爪牙百戰百勝遂定中原所據之地同於魏世

勒死之後虎挾嗣君誅將相

謂殺石堪程遐
徐光諸將相也

內難旣平

難乃剪削外寇一舉而拔金墉再戰而禽石生誅石聰

如拾遺取郭權如振槁

咸和八年虎殺石聰又拔金墉進殺石生九年取郭權事並見

上四境之內不失尺土以是觀之虎爲能乎將不能也

論者以胡前攻襄陽不能拔

事見上卷咸康元年

謂之無能爲夫

百戰百勝之彊而以不拔一城爲劣譬如射者百發百

中而一失可以謂之拙乎

中竹仲翻

且石遇偏師也桓平北

邊將也

桓宣爲平北將軍將即亮翻下同

所爭者疆場之士

士讀日事

利則

進否則退非所急也今征西以重鎮名賢自將大軍欲

席卷河南虎必自帥一國之衆來決勝負

卷讀曰捲帥讀曰率

豈

得以襄陽爲比哉今征西欲與之戰何如石生若欲城
守何如金墉欲阻沔水何如大江欲拒石虎何如蘇峻
凡此數者宜詳校之石生猛將關中精兵征西之戰殆
不能勝也又當是時洛陽關中皆舉兵擊虎今此三鎮
反爲其用

洛陽關中而曰三鎮併郭權據上邽爲三也

方之於前倍半之勢

也石生不能敵其半而征西欲當其倍愚所疑也蘇峻
之彊不及石虎沔水之險不及大江大江不能禦蘇峻
而欲以沔水禦石虎又所疑也晉祖士雅在譙佃於城

北界

佃亭年翻

胡來攻豫置軍屯以禦其外穀將熟胡果至

丁夫戰於外老弱穫於內

獲戶郭翻

多持炬火急則燒穀而

走如此數年竟不得其利當是時胡唯據河北方之於

今四分之一耳

言祖逖與石勒對境時勒僅有河北之地比之今來石虎據有之地止四分之一

也一士雅不能捍其一而征西欲以禦其四又所疑也然

此但論征西既至之後耳

謂既至中原之後也

尚未論道路之慮

也自沔以西水急岸高魚貫泝流首尾百里

言水狹而急舟不得

駢爲一列而進也

若胡無宋襄之義

左傳宋襄公及楚人戰于泓宋人既成列楚人未既

濟司馬子魚請擊之公曰不可既濟而未成列又以告
公曰未可既陳而後擊之宋師敗績國人皆咎公公曰
古之爲軍也不以阻隘也寡人雖亡國之餘不鼓不成列及我未陣而擊之將若之

何今王土與胡水陸異勢便習不同

南便於用舟北便於用馬

胡若

送死則敵之有餘若弃江遠進以我所短擊彼所長懼

非廟勝之算

蔡謨之議量彼量己深切著明後
郝鑒薦之自代蓋有見乎此也

朝議多

與謨同

朝直
遑翻

乃詔亮不聽移鎮

燕前軍師慕容評廣

威將軍慕容軍

沈約志廣威
將軍曹魏置

折衝將軍慕容興根蕩寇將

軍慕容廆襲趙遼西俘獲千餘家而去趙鎮遠將軍石

成

鎮遠將軍蓋石氏所置

積弩將軍呼延晃建威將軍張支等追

之評等與戰斬晃支首段遼謀反於燕燕人殺遼及

其黨與數十人送遼首於趙五月代王什翼犍會諸

大人於參合陂

參合縣前漢屬代郡後漢晉省東魏天平二年置梁城郡參合縣屬焉水經注

參合陁在縣西北俗謂之倉鵠陁捷居言翻

議都灋源川其母王氏曰吾自

先世以來以遷徙爲業

謂逐水草爲行國草盡水竭則徙而之他也灋力水翻又作灋

今國家多難若城郭而居一旦寇來無所避之乃止

是後

鎬勿崙之諫禿髮利鹿孤其說不過如此難乃旦翻

代人謂他國之民來附者皆

爲烏桓什翼捷分之爲二部各置大人以監之弟孤監

其北子寔君監其南

監工街翻

什翼捷求昏於燕王皝以

其妹妻之

妻七細翻

秋七月趙王虎以太子宣爲大單于

建天子旌旗

單音蟬

庚申始興文獻公王導薨喪葬之

禮視漢博陸侯及安平獻王故事

霍光事見二十五卷漢宣帝地節二年安

平王乎事見七十九卷武帝泰始八年

參用天子之禮導簡素寡欲善因

事就功雖無日用之益而歲計有餘輔相三世

莊子曰日計之

不足歲計之有餘向秀注云日計之不足無旦夕小利也歲計之有餘順時而大穰也三世元明成相息亮翻

倉無儲穀衣不重帛

重直龍翻

初導與庾亮共薦丹陽尹何

充於帝請以爲己副且曰臣死之日願引充內侍則社

稷無虞矣由是加吏部尚書及導薨徵庾亮爲丞相揚

州刺史錄尚書事亮固辭辛酉以充爲護軍將軍亮弟

會稽內史冰爲中書監揚州刺史參錄尚書事

會工外翻

冰

既當重任經綸時務不捨晝夜賓禮朝賢升擢後進由

是朝野翕然稱之以爲賢相

朝直遙翻相息亮翻下同

初王導輔政

每從寬恕冰頗任威刑丹陽尹殷融諫之冰曰前相之

賢猶不堪其弘

堪任也言過於寬弘而不任也

況如吾者哉范汪謂水

曰頃天文錯度

七曜失行為錯度

足下宜盡消禦之道水曰玄

象豈吾所測正當勤盡人事耳又隱實戶口料出無名

萬餘人以充軍實

隱度也料音聊

冰好爲糾察近於繁細後益

矯違

謂矯前之繁細而流於寬縱愈違於正道也好呼到翻

復存寬縱

復扶又翻下同

踈

密自由律令無用矣

八月壬午復改丞相爲司徒

去

省司徒并丞相府復扶又翻

南昌文成公郗鑒疾篤以府事付長

史劉遐

此又一劉遐也

上疏乞骸骨且曰臣所統錯雜率多非

人或逼遷徙

謂中原之人有戀土不肖南度者以兵威逼遷之也

或是新附百姓

懷土皆有歸本之心臣宣國恩示以好惡處與田宅漸

得少安

好呼到翻惡烏路翻處昌呂翻少詩沼翻

聞臣疾篤衆情駭動若當

北渡必啓寇心

蓋時議欲徙京口之鎮渡江而北故鑒云然

太常臣謨平簡

貞正素望所歸謂可以爲都督徐州刺史詔以蔡謨爲

太尉軍司加侍中辛酉鑒薨即以謨爲征北將軍都督

徐兗青三州諸軍事徐州刺史假節時左衛將軍陳光

請伐趙詔遣光攻壽陽

壽陽即壽春晉避簡文鄭太后諱改曰壽陽自祖約之敗爲趙

據所謨上䟽曰壽陽城小而固自壽陽至琅邪城壁相望

此琅邪謂古琅邪郡趙既取譙郡彭城下邳又得壽春故自壽春至琅邪城壁相望南琅邪在江乘之蒲洲上

渡江而西歷歷陽合肥至壽春皆晉境趙未能置城壁也一城見攻衆城必救又王

師在路五十餘日前驅未至聲息又聞

聞音問

賊之郵驛

一日千里河北之騎足以來赴

郵音尤騎奇寄翻下同

夫以白起

韓信項籍之勇猶發梁焚舟背水而陣

戰國策白起曰楚王恃其國大

城池不修又無守備故起得以引兵深入多倍城邑發梁焚舟以專民當是之時秦中士卒以軍中爲家將焉

父母不約而親不謀而信一心同功死不旋踵楚人自戰其地咸顧其家各有散心莫有鬪志是以能有功也

項羽焚舟即湛船以救鉅鹿事前見八十卷秦二世
三年韓信背水事見九卷漢高帝三年背蒲味翻

欲停船水渚引兵造城

造七到翻

前對堅敵顧臨歸路此兵

法之所誠若進攻未拔胡騎卒至

卒讀曰碎

懼桓子不知所

爲而舟中之指可掬也

左傳晉中行桓子帥師與楚戰于邲楚人車馳卒奔乘晉師桓

子不知所爲鼓於軍中曰先濟者有賞中軍與下軍爭舟舟中之指可掬也

今光所將皆殿

中精兵

將即亮翻

宜令所向有征無戰而頓之堅城之下以

國之爪士

詩曰祈父予王之爪士毛長注曰士擊寇之事也今謨直謂殿中兵爲爪牙之士

下邑得之則利薄而不足損敵失之則害重而足以益

寇懼非策之長者也乃止 初陶侃在武昌議者以江

北有邾城宜分兵戍之侃每不答而言者不已侃乃渡

水獵引將佐語之曰我所以設險而禦寇者正以長江

耳邾城隔在江北內無所倚外接羣夷

接西陽諸蠻也將即亮翻語牛

倨夷中利深晉人貪利夷不堪命必引虜入寇此乃致

禍之由非以禦寇也且吳時戍此城用三萬兵

吳都武昌故屯

重兵於邾城

今縱有兵守亦無益於江南若羯虜有可乘之

會此又非所資也

羯居謁翻

及庾亮鎮武昌卒使毛寶樊峻

戍邾城趙王虎惡之

辛子恤翻
惡烏路翻

以夔安爲大都督帥石

鑒石閔李農張貉李菟等五將軍

帥讀曰率貉音
菟同都翻

兵五

萬人寇荆楊北鄙二萬騎攻邾城毛寶求救於庾亮亮

以城固不時遣兵九月石閔敗晉兵於沔陰

水南爲陰
即沔南也

敗補邁
翻下同殺將軍蔡懷夔安李農陷沔南

晉人蓋置戍於
沔南以備津要

朱保敗晉兵於白石殺鄭豹等五將軍

水經注柵水導
源巢湖東逕南

譙僑郡城南又東左會清溪水又東
左會白石山水發源白石山西

張貉陷邾城死者

六千人毛寶樊峻突圍出走赴江溺死

溺奴
狄翻夔安進據

胡亭

續漢志汝南汝陰縣西北有胡城春秋胡子之國也

寇江夏義陽將軍黃冲

義陽太守鄭進皆降於趙

夏戶雅翻降戶江翻

安進圍石城

賢曰石城

故城在今復州沔陽縣東南水經注沔水逕石城西城因山爲固晉惠帝元康九年分江夏西部置竟陵郡治

此竟陵太守李陽拒戰破之斬首五千餘級安乃退遂

掠漢東擁七千餘戶遷于幽冀是時庾亮猶上疏欲遷

鎮石城聞邾城陷乃止上表陳謝自貶三等行安西將

軍

晉方伯帶將軍有征鎮安平亮本征西將軍乞自貶三等行安西將軍上時掌翻

有詔復位

以輔國將軍庾懌爲豫州刺史監宣城廬江歷陽安豐

四郡諸軍事假節鎮蕪湖

監工衙
翻下同

趙王虎患貴戚豪

恣乃擢殿中御史李巨爲御史中丞

曹魏之制蘭臺遣
二御史居殿中伺

察非法此殿中
御史之始也

特加親任中外肅然虎曰朕聞良臣如

猛虎高步曠野而豺狼避路信哉虎以撫軍將軍李農

爲使持節監遼西北平諸軍事征東將軍營州牧鎮令

支

趙置營州統遼西北平二郡使疏
吏翻令音鈴又郎定翻支音祁

農帥衆三萬與征

北大將軍張舉攻燕凡城帥讀燕王皝以檣盧城大悅

綰爲禦難將軍

檣苦盍翻水經注曰渝水南流東屈與
一水會世名之曰檣倫水姓譜悅姓傅

說之後難
乃旦翻

授兵一千使守凡城及趙兵至將吏皆恐欲

弃城走綰曰受命禦寇死生以之且憑城堅守一可敵

百敢有妄言惑衆者斬衆然後定綰身先士卒

先息
薦翻親

冒矢石舉等攻之經旬不能克乃退虎以遼西迫近燕

境數遭攻襲

近其靳翻
數所角翻

乃悉徙其民於冀州之南

漢

主壽疾病羅恒解思明復議奉晉壽不從李演復上書

言之

恒戶登翻解戶
買翻復扶又翻

壽怒殺演壽常慕漢武魏明之爲

人耻聞父兄時事上書者不得言先世政教自以爲勝

之也

書無逸曰相小人厥父母勤勞稼穡厥子乃不知稼穡之艱難乃逸乃誘既誕否則侮厥父母曰昔

之人無聞知其

舍人杜襲作詩十篇託言應璩以諷諫

李壽之謂乎

壽報曰省詩知意

省悉景

若今人所作

乃賢哲之話言

話言善言也

若古人所作則死鬼之常辭耳

燕王皝自以稱王未受晉命冬遣長史劉翔參軍鞠

運來獻捷論功且言權假之意

獻捷獻趙捷也權假謂自稱王也皝呼廣翻

并請刻期大舉共平中原皝擊高句麗兵及新城

新城高句

麗之西鄙西南倚山東北接南燕木底等城句如字又音駒麗力知翻

高句麗王釗乞盟

乃還又使其子恪霸擊宇文別部霸年十三勇冠三軍

寇古
玩翻

張駿立辟雍明堂以行禮十一月以世子重華

行涼州事

重直
龍翻

十二月丁丑趙太保桃豹卒 丙戌

以驃騎將軍琅邪王岳爲侍中司徒

驃匹
妙翻

漢李奕寇

巴東守將勞楊敗死

將即亮翻
勞姓楊名

六年春正月庚子朔都亭文康侯庾亮薨以護軍將軍

錄尚書何充爲中書令

錄尚書即
錄尚書事

庚戌以南郡太守庾

翼爲都督江荆司雍梁益六州諸軍事安西將軍荊州

刺史假節代亮鎮武昌

雍於用翻

時人疑翼年少不能繼其

兄

少詩照翻

翼悉心爲治戎政嚴明數年之間公私充實人

皆稱其才

治直吏翻

辛亥以左光祿大夫陸玩爲侍中司

空 宇文逸豆歸忌慕容翰才名翰乃陽狂酣飲或臥

自便利

便毘連翻漫也利下泄也

或被髮歌呼拜跪乞食

被皮義翻

宇文

舉國賤之不復省錄

省察也視也錄采也收也記也音悉景翻

以故得行來

自遂山川形便皆默記之

行來猶言往來也

燕王皝以翰初非

叛亂以猜嫌出奔

事見上卷咸和八年

雖在他國常潛爲燕計

如牛

尾谷之戰是也乃遣商人王車通市於宇文部以窺翰翰見車

無言撫膺頷之而已

撫擊也膺胃也

黜曰翰欲來也復使車迎

之

復扶又翻下同

翰彎弓三石餘矢尤長大黜爲之造可手弓

矢

可手便手也言惟翰手可用耳爲于偽翻

使車埋於道旁而密告之二月

翰竊逸豆歸名馬携其二子過取弓矢逃歸逸豆歸使

驍騎百餘追之

驍堅堯翻騎奇寄翻

翰曰吾父客思歸既得上馬

無復還理吾鄉日陽愚以誑汝

上時掌翻誑居况翻

吾之故藝猶

在無爲相逼自取死也追騎輕之直突而前翰曰吾居

汝國父恨恨

李陵贈蘇武詩恨恨不能辭
呂向注曰恨恨相戀之情

不欲殺汝汝

去我百步立汝刀吾射之一發中者汝可還不中者可

來前追騎解刀立之一發正中其環

孔穎達曰禮進劍者左首首劍拊鐔

也少儀曰澤劍首鄭云澤美也推尋劍刀利不容可美
正是劍鐔也又云刀卻刀授穎鄭云穎鐔也鐔與環同

射而亦翻
中竹仲翻

追騎散走號聞翰至大喜恩遇甚厚

庚辰

有星孛于太微

晉書天文志曰太微天子庭也五
帝坐也十二諸侯府也孛蒲內翻

三

月丁卯大赦

漢人攻拔丹川守將孟彥劉齊李秋皆

死

五年孟彥以建寧降
丹川當在建寧界

代王什翼犍始都雲中之盛

樂宮

水經注白渠水出雲中塞外西北逕成樂固非魏土地記曰雲中城東八十里有成樂城今雲中郡

治一名石盧城白渠水又西逕魏雲中宮南魏土地記曰雲中宮在雲中故城東四十里魏之盛樂即漢成樂縣也魏書曰猗盧城盛樂以爲北都杜佑曰雲州雲中郡治雲中縣後魏道武自雲中徙都平城即此今馬邑郡非平城即今郡隋爲雲內郡恒安鎮縣界有白登山白登臺高柳城參合陂後魏盛樂縣亦在今郡界單于臺在今縣西非百餘里

趙王虎遺漢主壽書

遺于季翻

欲與之連兵

入寇約中分江南壽大喜遣散騎常侍王嘏中常侍王

廣使于趙

散悉亶翻騎奇寄翻使疏吏翻

龔壯諫不聽壽大修舟艦繕

兵聚糧

艦戶黠翻

秋九月以尚書令馬當爲六軍都督徵集

士卒七萬餘人爲舟師大閱於成都鼓譟盈江

秦時蜀守李冰

穿二江成都中皆可行舟

壽登城觀之有吞噬江南之志解思明諫

曰我國小兵弱吳會險遠圖之未易

易以跋翻

壽乃命羣臣

大議利害龔壯曰陛下與趙通孰若與晉通趙強隣也

既滅晉不得不北面事之若與之爭天下則彊弱不敵

危亡之勢也虞號之事已然之戒

左傳晉獻公假道於虞以伐虢既滅虢遂

滅願陛下熟慮之羣臣皆以壯言爲然壽乃止士卒咸

稱萬歲

士無樂戰之心驅之而赴死地未有不敗者使李壽不用龔壯之言固不待李勢而蜀亡也

龔壯以爲人之行莫大於忠孝既報父叔之仇

謂假手於壽以

夷李特之子孫也行下孟翻

又欲使壽事晉壽不從乃詐稱耳聾手

不制物

手不制物若病風緩然也

辭歸以文籍自娛終身不復至成

都

復扶又翻

趙尚書令夔安卒

趙王虎命司冀青徐幽

并雍七州之民五丁取三四丁取二

雍於用翻

合鄴城舊兵

滿五十萬具船萬艘

艘蘇遭翻

自河通海運穀千一百萬斛

于樂安城

水經注濡水東南過遼西海陽縣又遼牧城南分爲二水北水謂之小濡水東逕樂安亭

北東南入海濡水東南流逕樂安亭南東與新河故瀆合魏太祖征蹋頓所導也濡乃官翻

徙遼西

北平漁陽萬餘戶於宛豫雍洛四州之地

石虎置司州於鄴以晉之

司州爲洛州雍於用翻

自幽州以東至白狼

白狼縣漢屬北平郡晉省水經注白狼水

出白狼縣東南北逕白狼山又東北逕昌黎縣故城西又北逕黃龍城東又東北出東流爲二水右水即渝水地理志曰渝水自塞南入海一水東北出塞爲白狼水又東南流至房縣注于遼

大興屯田悉

括取民馬有敢私匿者腰斬凡得四萬餘匹大閱於宛

陽

水經注漳水自西門豹祠北逕趙閭馬臺西臺高五丈列觀其上石虎講武於其下列觀以望之

欲

以擊燕燕王皝謂諸將曰石虎自以樂安城防守重複

重直龍翻

薊城南非必不設備今若詭路出其不意可盡破

也冬十月貳帥諸軍入自蠡螭塞

帥讀曰率自龍城取西道入蠡螭塞蠡一

結翻蠡烏公翻

襲趙成將當道者皆禽之直抵薊城

將即亮翻薊音計

趙幽州刺史石光擁兵數萬閉城不敢出燕兵進破武

遂津

武遂縣前漢屬河間國後漢晉屬安平國時屬武邑郡易水過其南曰武遂津

入高陽所

至焚燒積聚

積子賜翻聚才喻翻

略三萬餘家而去

考異曰燕書云畧燕范陽

二郡男女數千口而還今從後趙燕載記

石光坐懦弱徵還

懦弱乃亂翻

趙王虎

以秦公韜爲太尉與太子宣送日省可尚書奏事

送日更日

也省悉景翻

專決賞刑不復啓白

復扶又翻

司徒申鍾諫曰賞刑

者人君之大柄不可以假人所以防微杜漸消逆亂於

未然也太子職在視膳不當豫政庶人遽以豫政致敗

事見上卷覆車未遠也且二政分權鮮不階禍

左傳辛伯諗周

桓公曰並后匹嫡兩政耦國亂之本也兩政即二政此指宣韜迷日決事鮮息淺翻愛之不以道

適所以害之也虎不聽

為宣殺韜張本

中謁者令申扁

中謁者令宦官

也楊正衡曰扁芳連翻

以慧悟辯給有寵於虎宣亦昵之

昵尼質翻

使

典機密虎既不省事而宣韜皆好酣飲畋獵

好呼到翻下同

由

是除拜生殺皆決於扁自九卿已下率皆望塵而拜太

子詹事孫珍病目求方於侍中崔約約戲之曰溺中則

愈

戲言溺目中則病愈溺乃弔翻

珍曰目何可溺約曰卿目眈眈正耐

溺中

楊正衡曰眈眈目深也音一九翻耐乃代翻

珍恨之以白宣宣於兄弟

中最胡狀目深聞之怒誅約父子於是公卿以下畏珍

側目燕公斌督邊州

斌與張賀度共事蓋督非邊州也斌音彬

亦好畋獵常

懸管而入

管者城門之管鑰也欲便於出故常懸管

征北將軍張賀度每裁

諫之斌怒辱賀度虎聞之使主書禮儀持節監之

自東漢以

來尚書諸曹各有主書蓋吏職也至齊梁之間其權任甚重禮姓也儀名也春秋時衛有大夫禮至監古耐翻

斌殺儀又欲殺賀度賀度嚴衛馳白之虎遣尚書張離

帥騎追斌

帥讀日率

鞭之三百免官歸第誅其親信十餘人

史言虎無令子

張駿遣別駕馬詵入貢于趙表辭蹇傲虎怒

欲斬詵侍中石璞諫曰今國家所當先除者遺晉也河

西僻陋不足爲意今斬馬詵必征張駿則兵力分而爲

二建康復延數年之命矣

復扶又翻

乃止璞苞之曾孫也

石苞

事晉文帝武帝功參佐命

初漢將李閔爲晉所獲

事見上卷

逃奔于趙

漢主壽致書於趙王虎以請之署曰趙王石君虎不悅

付外議之中書監王波曰今李閔以死自誓曰苟得歸

骨於蜀當糾帥宗族混同王化帥讀日率若其信也則不煩

一旅古者行軍五百人爲一旅坐定梁益若有前却一前一却猶今人言心懷進退

也
不過失一亡命之人於趙何損李壽旣僭大號今以

制詔與之彼必酬返酬答也不若復爲書與之會挹婁

國獻楛矢石砮於趙挹婁古肅慎氏之國也楛矢長尺有咫其國東北有山出石其利入

鐵取以爲砮杜佑曰挹婁國在不咸山北夫餘東北千餘里濱大海南與北沃沮接不知其北所極廣袤數千

里人衆雖少而多勇力處山險善射弓長四尺力如弩矢用楛長尺八寸青石爲鏃所謂石砮也其取石也必

先祈神祐侯古翻木名
似著弩音奴矢鏃也

波因請以遺漢

遺于季翻

曰使其知

我能服遠方也虎從之遣李閔歸厚爲之禮閔至成都

壽下詔曰羯使來庭貢其梏矢

羯居謁翻使疏吏翻

虎聞之怒黜

王波以白衣領職

七年春正月燕王皝使唐國內史陽裕等

慕容廆置唐國郎

築

城於柳城之北龍山之西立宗廟宮闕命曰龍城

由是改柳

城爲龍城縣

二月甲子朔日有食之

劉翔至建康帝引

見

見賢通翻

問慕容鎮軍平安對曰臣受遣之日朝服拜章

言朝服南面拜發章表於庭朝直遙翻下同

翔爲燕王玠求大將軍燕王章

璽

璽斯氏翻

朝議以爲故事大將軍不處邊

處昌呂翻

自漢魏以

來不封異姓爲王所求不可許翔曰自劉石構亂長江

以非翦爲戎藪

藪蘇口翻周禮注曰澤無水曰藪爾雅曰翦齊也

未聞中華公

卿之胄有一人能攘臂揮戈摧破凶逆者也獨慕容鎮

軍父子竭力心存本朝以寡擊衆屢殄彊敵使石虎畏

懼悉徙邊陲之民散居三魏

謂徙遼西之民也魏郡陽平廣平魏三魏

處國

千里以薊城爲非境功烈如此而惜海北之地不以爲

封邑何哉晉漢高祖不愛王爵於韓彭故能成其帝業

項羽利印不忍授卒用危亡

事見漢高祖紀卒子恤翻

吾之至心非

苟欲尊其所事竊惜聖朝踈忠義之國使四海無所勸

慕耳尚書諸葛恢翔之姊夫也獨主異議以爲外蕃相

攻中國之利惟器與名不可輕許乃謂翔曰借使慕容

鎮軍能除石虎乃是復得一石虎也

復扶又翻

朝廷何賴焉

翔曰發婦猶知恤宗周之隕

左傳鄭子太叔見范獻子曰發不恤緯而憂宗周之

隕王室之不寧晉之耻也發陵之翻

今晉室貼危

貼余康翻

君位侔元凱曾無

憂國之心邪嚮使靡鬲之功不立則少康何以祀夏桓

文之戰不捷則周人皆爲左衽矣

左傳夏之方衰也后羿因夏民以代夏政

其臣寒浞殺羿而滅夏后相后緡逃歸有仍生少康焉靡奔有鬲氏自有鬲收衆以滅浞而立少康祀夏配天

不失舊物齊桓公北伐山戎南伐楚晉文公勝楚於城濮皆率諸侯以尊周室孔子曰微管仲吾其被髮左衽

矣慕容鎮軍枕戈待旦志殄兇逆而君更唱邪惑之言

忌間忠臣

間古覓翻

四海所以未壹良由君輩耳翔留建康

歲餘衆議終不決翔乃說中常侍或弘曰

或通作郁郁姓也姓譜有

魯相郁貢說翰蒨翻

石虎苞八州之地帶甲百萬志吞江漢自索

頭宇文暨諸小國無不臣服

索替各翻

惟慕容鎮軍翼戴天

子精貫白日而更不獲殊禮之命竊恐天下移心解體

無復南向者矣

復扶又翻

公孫淵無尺寸之益於吳吳主封

爲燕王加以九錫

事見七十二卷魏明帝青龍元年

今慕容鎮軍屢摧

賊鋒威震秦隴虎比遣重使

比昆寐翻

甘言厚幣欲授以曜

威大將軍遼西王

劉翔詭爲是言耳然當時將軍必有曜威之號

慕容鎮軍惡

其非正却而不受

惡烏路翻

今朝廷乃矜惜虛名沮抑忠順

宜社稷之長計乎

沮在呂翻

後雖悔之恐無及已弘爲之入

言於帝

爲于偽

帝意亦欲許之會號上表稱庾氏兄弟

擅權召亂

以庾亮召蘇峻祖約之變使據上流庾亮死弟翼握兵於外弟冰專政於內也上時掌翻

宜加斥退以安社稷又與庾冰書責其當國秉權不能

爲國雪耻冰甚懼以其絕遠非所能制乃與何充奏從

其請乙卯以慕容皝爲使持節大將軍都督河北諸軍

事幽州牧大單于燕王

單音蟬

備物典策皆從殊禮

師古曰旣

有備物而加之策書也杜預云典策春秋之制也余謂車輅旂章弓矢斧鉞皆可以言備物周成王分魯公以大路大旂封父之繁弱夏后氏之璜又以其世子儁爲備物典策典者典法也策者策書也

假節安北將軍東夷校尉左賢王賜軍資器械以千萬

計又封諸功臣百餘人以劉翔爲代郡太守封臨泉鄉

侯加員外散騎常侍

晉志曰員外散騎常侍魏末置

翔固辭不受翔疾

江南士大夫以驕奢酣縱相尚嘗因朝貴宴集

酣戶其翻朝直

遙謂何充等曰四海板蕩奄踰三紀

板蕩刺周厲王之詩也板板反也言

厲王爲政反先王與天之道天下之民盡病也蕩蕩法度廢壞之貌言天下蕩蕩無綱紀文章也惠帝永興元

年劉淵肇亂至是三十六年矣

宗社爲墟黎民塗炭斯乃廟堂焦慮之

時忠臣畢命之秋也而諸君宴安江沱

沱徒河翻江

肆

情縱欲以奢靡爲榮以傲誕爲賢謇諤之言不聞征伐之功不立將何以尊主濟民乎充等甚慙詔遣兼大鴻

臚郭惲持節詣棘城冊命燕王

臚陵如翻
惲香衣翻

與翔等偕北

公卿餞于江上翔謂諸公曰昔少康資一旅以滅有窮

左傳少康邑於綸有田一成有衆一旅能布其德而兆其謀以收夏衆遂滅有窮少詩照翻句踐憑

會稽以報彊吳

越王句踐棲於會稽臥薪嘗膽卒以滅吳句音鉤

蔓草猶宜早

除

左傳鄭祭仲曰無使滋蔓蔓難圖也蔓草猶不可除蔓音萬

况寇讐乎今石虎李

壽志相吞噬王師縱未能澄清北方且當從事巴蜀一

旦石虎先人舉事

先悉薦翻

併壽而有之據形便之地以臨

東南雖有智者不能善其後矣中護軍謝廣曰是吾心

也三月戊戌皇后杜氏崩夏四月丁卯葬恭皇后于

興平陵詔實王公以下至庶人皆正土斷白籍

時王公庶

人多自北來僑寓江左今皆以土著爲斷著之白籍也白籍者戶口版籍也宋齊以下有黃籍斷丁亂翻

秋七月郭悌劉翔等至燕燕王皝以翔爲東夷護軍領

大將軍長史以唐國內史陽裕爲左司馬典書令李洪

爲右司馬

晉制王國置典書典祠典衛學官令各一人典書令天朝吏部尚書之職中朝制典書令

在常侍侍郎上及渡江則侍郎次常侍而典書令居三軍下

中丞鄭林爲軍諮祭酒

八月辛酉東海哀王冲薨

冲後東海王越事見八十七卷懷帝永嘉五年

九月代王什翼犍築盛樂城於故城南八里

犍居言翻樂音洛

代王妃慕容氏卒 冬十月匈奴劉虎寇代西部代

王什翼犍遣軍逆擊大破之虎卒子務桓立遣使求和

於代什翼犍以女妻之

妻七細翻

務桓又朝貢於趙

朝直遥翻

趙

以務桓爲平北將軍左賢王 趙橫海將軍王華帥舟

師自海道襲燕安平破之

北遼東郡之西安平也四年華以青州之衆戍海島故得

裴破之帥
讀曰率

燕王皝以慕容恪爲渡遼將軍鎮平郭自

慕容翰慕容仁之後諸將無能繼者及恪至平郭撫舊
懷新屢破高句麗兵高句麗畏之不敢入境 十一月

興平康伯陸玩薨 漢主壽以其太子勢領大將軍錄

尚書事初成主雄以儉約寬惠得蜀人心及李閔王嘏

還自鄴

王嘏去年聘趙
與李閔俱歸

盛稱鄴中繁庶宮殿壯麗且言

趙王虎以刑殺御下故能控制境內壽慕之徙蜀郡民

三代以上者以實成都大修宮室治器玩人有小過輒

殺以立威

治直之翻

左僕射蔡興右僕射李寢皆坐直諫死

寢魚力翻

民疲於賦役吁嗟滿道思亂者衆矣

史言漢將亡

資治通鑑卷九十六

欽定四庫全書薈要卷七千八十三

史部

資治通鑑卷九十七

宋 司馬光 撰

胡三省 音註

晉紀十九

起立默攝提格盡
疆圉協洽凡六年

顯宗成皇帝下

咸康八年春正月己未朔日有食之

考異曰天文志
作乙未今從帝紀

及長

乙丑大赦 豫州刺史庾惲以酒餉江州刺史

王允之允之覺其毒飲犬

飲於
禁翻

犬斃密奏之帝曰大舅

已亂天下

謂庾亮也

小舅復欲爾邪

復扶又翻

二月懌飲鴆而卒

卒子恤翻

三月初以武悼后配食武帝廟

楊皇后惠帝永康元年幽廢而

死今乃得配食武帝

庾翼在武昌數有妖怪

數所角翻妖於驕翻

欲移鎮

樂鄉征虜長史王述與庾冰牋曰樂鄉去武昌千有餘

里數萬之衆一旦移徙興立城壁公私勞擾又江州當

沂流數千里供給軍府力役增倍且武昌實江東鎮戍

之中非但扞禦上流而已緩急赴告駭奔不難

書武成曰駭奔

走駭音峻注云駭大也言皆奔走也

若移樂鄉遠在西陲一朝江渚有虞